


# WAN



Namba 1810  
Wan Wik, Epril 16 - 22, 2009

Niuspepa Bilong Yumi Ol PNG Stret! K1 tasol  
long olgeta hap



KING KAPIAK

**I NO LIKLIK:** Kamo Fodi bilong Woitape i soim kaikai bilong wanpela kapiak bilong em. Mista Fodi i save stap long Erima long Mosbi, Nesenel Kapitel Distrik, na em i planim dispela kapiak long haus bilong em. Em i salim dispela kaikai long K100. Mista Fodi i tok dispela kain bikpela kapiak i save swit tru na wanpela man tasol bai no inap long pinisim. Hevi bilong dispela kapiak inap olsem 10kg.

POTO: ANDREW MOLEN

## 'Em benk bilong yu'

**BSP putim aut nupela nem na kala** Neville Choi i raitim

Ol senis:

- Nem bilong benk nau, em BSP
- Nupela SMS benking sevis
- 50 nupela ATM mani masin
- Eftpos na ATM sevis i go insait long ol ples

"MIPELA i senisim nem bihainim luksave bilong ol kastoma bilong mipela. Olgeta i save kolim mipela BSP. Olsem na nau mipela i senisim nem i go BSP stret. Em i benk bilong yu."

- Dispela toktok i kam long Sif Eksekutiv Opisa bilong BSP, Ian Clyne, taim benk i lonsim o putim autim nupela nem na kala bilong em aste (Trinde).

Mista Clyne i bin go pas long lonsim we ol i bin kisim olgeta niusmanmeri i go long lukim dispela nupela nem na kala bilong BSP.


Em i tok klia olsem BSP nau bai nem we olgeta wok bisnis bai luksave na klia long en.

Ol i mekim senis long dispela yia long makim tu namba 52 yia BSP i wok, na 35 yia bihain long ol i senisim Papua Niugini Benking Koporesen (PNGBC) na kamap Benk Saut Pasifik.

Nau BSP i gat ol han o brans long Fiji, Niue na Solomon Ailans (Solomon Islands), na dispela senis bai go daun long olgeta ol brans bilong ol long kantri na bihain long Pasifik.

Stori i go long Pes 2 - Lukim Wantok Komentri - Pes 11

## Bikpela Hanset Seil!



Nokia 1202

49



Motorola W156

49

Ol Hanset em ol salim long K49 tas

Ol hansen i gat ol samting olsem polifonik rinton, kain kain geim na planti moa samting.

Ofa bai pinis long Epril 30 o taim olgeta hansen i pinis.

## Digicel


Gupela, Bikpela moa Netwok.

Olgeta prais i gat GST takis long en. Ol lo bilong Digicel i stap. Digicel i holi rait long rausim o senisim dispela ofa long laik bilong em.

## Lukim nupela BSP Pes 16 na 17



## 6-pela pes bilong Wol Helt De spesol insait - Pes 13,14,15,18,19,20,



Promotim Seif na Strongpela Sosaiti bilong yumi olgeta!









# Nogat moa kompenseseen nau

Paul Zuvani i raitim

**STAT long Septemba dispela yia, 2009, pasin bilong ol papa-graun long askim long kisim kompenseseen mani long gavman i wokim rot i go antap long graun bilong ol i mas stop.**

Long lukim dispela i kamap Dipatmen bilong Transpot i wok long raitim wanpela lo we palamen bai givim tok orait long em i kamap.

Dispela em tok bilong Minista bilong Woks, Transpot na Sivil Eviesen, Don Polye, long taim em

i tokaut long pien bilong gavman long wokim ol rot long kantri.

Em i tok gavman i laik lukim rot i go long ol manmeri tasol tupela samting i save givim em salens.

Namba wan samting em netsa na klaimet, Mista Polye i tok.

Em i tok em i hat long pasim ren, hai wara, graun bruk, strongpela win na ol arapela bikpela hevi bilong netsa. Na gavman oltaim i mas kamap wantaim ol plen bilong stretim ol dispela hevi.

Em i tok namba tu samting em long mani taim gavman i wokim rot

i go antap long graun bilong ol.

"Long Septemba mi laik lukim dispela lo i mas kamap.

"Sapos ol manmeri i laikim gutpela sindaun, long wanem ol i askim long gavman i baim ol taim em i bringim gutpela sevis i go?" Mista Polye i askim.

Em i tok dipatmen bilong em i gat Nesenel Trensport Dvelopmen Plen (NTDP) na em i bihainim dispela plen long wokim ol rot.

Tasol long karim aut dispela plen dipatmen i mas gat mani. Nau mani em i gat long mekim ol rot i no inap, Mista Polye i tok.

Em i tok olgeta yia em i mas gat K700 milion long wokim ol rot na stretim.

Long 2007 Gavman bilong Australia aninit long AusAID Transpot Sekta Program i bin givim dispela mani mak long helpim Papua Niugini (PNG) stretim ol rot, ples balus na ol bris bilong em. Long dispela Mista Polye i tok dispela i gutpela tasol kos bilong stretim ol samting we i stap nau na we i stap tasol i bagarap pinis i dia tumas.

"Mani mi kisim i no inap long mi stretim o wokim olgeta samting.

"Na olsem mi wok long askim ADB (Esia Dvelopmen Benk) long helpim mi. Na mi laik ol arapela gutpela oganaisesen olsem Wol Benk i mas helpim tu," em i tok.

Long Novemba las yia Polye i bin go long Filipins (Philippines) long lukim ADB we ol i givim em K2 bilion long stretim Hailans Haiwe long nau na narapela 5-pela yia i kam. Ol arapela samting em olsem stretim rot namel long Lae na Nadzab long Morobe provins, wokim rot long Morobe na Sauten rijen i kam long Sentrel na Galp provins.

## Pora sutim tok long Chan na Wingti

James Kila i raitim

WANPELA bipo stet minista na bipo memba bilong Hagen open Paul Pora i laikim senis i mas kamap long Ogenik Lo bilong Provinsel na Lokol Level Gavman (LLG), na olpela provinsel gavman sistem i mas kambek.

Mista Pora i tokaut long tingting bilong em long taim ol nupela eksekutiv bilong PNG Nesenel Pati long Maun Hagen i mekim tok promis bilong ol long wok gut long pati long las wik.

Mista Pora i tokim Siaman bilong Konstitusen na Lo Rifom Komisin, Joe Mek Teine, na deputi

bilong em Puri Ruing, long glasim ol we long kamapim dispela senis.

"Long taim bilong selp-gavman na bihain tasol long indipendens, yumi bin i gat gutpela na strongpela provinsel na LLG sistem.

"Mi bin go pas long kirapim Maun Hagen kaunsil na mi stap laip yet na nau mi lukim olsem ol presiden na kaunsila i nogat pawa bilong ol," em i tok.

Mista Pora i tok olsem kamap bilong Ogenik lo bilong Provinsel na Lokol level Gavman Rifom tupela bipo praim minista Se Julius Chan wantaim Paias Wingti i kamapim i no gutpela.

### MV MONA LISA

**LIMLIMBUR:** Olsem ol Is Nu Briten manmeri i save tok - raun. Sampela ol turis husat i bin kam long Rabaul, Is Nu Briten provins long turis sip MV Mona Lisa, i kalap long spitbot long go raun lukim ples.

*Lukim stori long Pes 22.*



Foto: Malsan Patur

**INDUSTRIAL BOOTS**

## NEW STOCK AVAILABLE NOW

**BRUT - SLIP ON BROWN KIP LEATHER**

**NUBUCK - 6" LACE UP SUEDE LEATHER**

**EXPLORER - 8" LACE UP BROWN KIP LEATHER**

**BULLDOG BOOTS:**

- Dual density Polyurethane rubber sole for extra comfort and increased wear
- Lightweight
- PORON inner soles for exceptional comfort

- Wide Steel Toe Caps
- Full Length Tongue

- Meets AS/NZ 2210.3 Standards
- Oil & Heat Resistant Sole
- Padded Collars

## BISHOP BROTHERS ENGINEERING LTD

everything for industry...

PORT MORESBY
LAE
MT HAGEN
KIMBE
RABAU
MADANG
VANIMO



# Bikpela kar i bamim pawa pos na katim pawa

Ol manmeri kisim planti tausen 'fri Maggi nudels' paket

James Kila i raitim

**PLANTI tausen manmeri na tu ol bisnis haus insait long Henganofi distrik long Isten Hailans provins i bin stap long tudak bihain long wanpela bikpela kar i bamim wanpela pawa pos na i katim pawa saplai long dispela hap.**

Dispela hevi i bin kamap long las wik Sande antap na i lukim distrik hetkawa, haikul, helt senta na tu polis stesin long Henganofi distrik stesin i no gat pawa saplai inap long klostu wan wik olgeta.

Ripot *Wantok Niuspepa* i kisim long Henganofi long las wik antap i tok olsem moa siks handret sumatin

long Henganofi hai skul em ol tisa i salim ol i go bek long haus bikos nogat pawa saplai i go long skul.

Planti ol liklik tred stua na tu ol haus i no kisim pawa yet bihain long dispela birua i kamap.

Narapela samting we i kamap tu long dispela taim em ol ples man long hap i katim tupela

kontena bilong antap long dispela trak na stilim ol katen Maggi nudels.

Wanpela komyuniti lida bilong Henganofi, Andrew Kreafa, i tok wanpela bikpela semitreila trak bilong ABCO

Trenspot i bin karim tupela kontena na i ron long Lae i go olsem long Goroka taim dispela trak i abrusim rot na i go daun kapsait long sait bilong rot long ples Nogorunte.

Em i tok taim dispela birua i bin kamap, sampela ol ples lain i karim tamiok i go na katim tupela kontena na ol manmeri i karim ol fri Maggi nudels bokis na ronawe.

Wanpela wokman bilong ABCO Trenspot, husat i no laik kolim nem bilong em, i tok wanpela trak bilong ol i bin kapsait long Henganofi wantaim tupela kontena we i gat moa long 1550 katen Maggi nudels. Mani

mak bilong dispela ol katen nudels em K120, 000.

Wanpela sumatin bilong Henganofi praimeru skul, Rhyil Eka i tok planti ol man husat i bin raun i stap long Henganofi maket long dispela taim i lukim olsem em sans bilong ol stret long kisim ol nudels katen na ol i ron i go na rausim ol katen long trak.

Dispela sumatin i tok tu olsem sampela ol lain husat i kisim ol katen nudels i karim i go long ples na givim long ol lain bilong ol na ol i kuk na kaikai.

Em i tok tu olsem sampela ol lain i karim i go na salim long K40 long wanpela katen

long ol tred stua long ples.

Yangpela boi ya i tok long Mande moning sampela ol lain Saina i bin go long ol viles klostu long Henganofi na baim ol katen nudels long ol lain husat i karim planti katen na go long haus bilong ol.

Draiva bilong dispela bikpela trak i no bin kisim bagarap long bodi bilong em.

Bihain long dispela birua long Mande wanpela polis yunit bilong Goroka i bin go long Henganofi na i kisim sampela lain husat i bin stilim ol kopa waia bilong pawa-lain em kar i bamim na pundaun.

## HATWOK BAI KARIM KAIKAI...O WARA



**KOMYUNITI WOK:** Siaman bilong Apa Talai setelmen long Mosbi, Kerin Kari, (sanap long lephan) i go pas long ol komyuniti bilong em long digim graun long redim ples bilong putim nupela paip wara i go insait. Mista Kari tok ol yangpela manmeri yet i kamapim dispela wok long wara i mas kam insait long setelmen na stretim sindaun bilong ol long komyuniti. *Foto: Bobby Lahio*

## Stadi long Japan

Japan Gavman (Monbukagakusho: Mext) skolasip bilong 2010 i stap nau.

Gavman bilong Japan i givim tripela kain skolasip long aplai long en: Professional Training Course, Undergraduate Course na Research Course em bilong ol Papua Niugini sumatin husat i gat laik long stadi long wanpela profesenol trening kolis o yunivesiti long Japan.

Luluk bilong wanwan kos em olsem:

### 1) PROFESSIONAL TRAINING COURSE (Tripela yia)

Dispela em bilong ol sumatin husat i pinisim gred 12 na i laik kisim vokesenol edukesen. Insait long dispela tripela yia, wanpela em bilong stap na lainim tok ples Japan. Ol lain i aplai long dispela skolasip i mas pinisim gred 12 (o bai pinisim gred 12 long Mas, 2010) na de mama i karim ol i mas stap namel long Epril 2, 1988 na Epril 1, 1993.

### 2) UNDERGRADUATE COURSE (5-pela yia)

Ol sumatin husat i laik stadi insait long wanpela bilong ol yunivesiti long Japan bai kisim wanpela yia long lainim tokples Japan. Ol lain i aplai long dispela skolasip i mas pinisim gred 12 (o bai pinisim gred 12 long Mas, 2010) na de mama i karim ol i mas stap namel long Epril 2, 1988 na Epril 1, 1993.

### 3) RESEARCH COURSE (1 na hap yia o tupela yia)

Ol yunivesiti sumatin husat i greduet pinis na i laik go long wanpela greduet skul olsem wanpela rises sumatin o long kisim Master's kos (i mas gat 16 yia pinis long skul) o Doctoral kos (i mas gat 18 yia pinis long skul). De mama i karim ol dispela sumatin i mas stap o kamap bihain long Epril 2, 1975.

Ol aplikesen fom i stap long Embesi bilong Japan stat long nau i go i nap long **Me 29, 2009**. Ol lain i aplai mas i gat gutpela mak stret long ol skul rekot bilong oi.

Olgeta aplikesen fom wantaim ol arapela pepa na medikol setifiket (i gat fom bilong em yet) i mas go bek long Embesi bipo long **Jun 5, 2009**. Intavyu na skelim bilong ol lain i kisim tok orait bai kamap long Embesi long Mosbi.

Long save moa, toktok wantaim skolasip seksen bilong Embesi long:

Telofon namba: **3211800**

Feks: **3212278**

Emel: [ej3@online.net.pg](mailto:ej3@online.net.pg) o long pos opis adres;

Embassy of Japan, Scholarship Section  
(Ground Floor, Cuthbertson House, Port Moresby)  
P.O Box 1040, PORT MORESBY,  
National Capital District

## Katolik HIV/AIDS Sekreteriet opim nupela het opis

**NESENEL** Katolik HIV/AIDS Sekreteriet i opim pinis wanpela nupela opis long Mosbi.

Aninit long lukaut bilong Sista Tarcisia Hunhoff husat i wok olsem Nesenel Katolik HIV/AIDS Rispons Kodineta, i bin wok hat tru inap 4-pela yia long lukim dispela opis i kamap.

Tok luksave i kam long Nesenel AIDS Kaunsil Se Peter Barter long hatwok bilong Sista Tarcisia.

"Mi save olsem aninit long Nesenel Katolik HIV/AIDS Opis, yu mekim planti wok pinis long sanapim ol VCT senta long kantri na moa yet long sampela ol bus ples tru bilong PNG.

"Nau yu gat bikpela opis, mi bilip olsem yu bai go het wantaim gutpela wok yu mekim long givim VCT, lukautim na helpim bilong ol manmeri na pikinini i sindaun wantaim hevi bilong HIV na AIDS," Se Peter i tok.

Nesenel Katolik HIV/AIDS opis i stap long Boroko.

Dispela opis bai stiaim olgeta program bilong Katolik sios long HIV na AIDS insait long kantri.

Opis i gat VCT senta na i save lukautim ol pikinini tu.

Inap tude, dispela oganaisesen bilong Katolik sios i sanapim pinis 64 VCT senta long kantri, na em i wok strong yet long opim tupela moa VCT long Jimi long Westen Hailans na Baining long Is Nu Briten.

Se Peter i tok olsem ol wok ol arapela sios oganaisesen i save givim em i gutpela tu long strongim pait agensim AIDS.

"Ol sios i gat bikpela network we i save go insait long ol liklik ples tru long PNG, na sapos mipela i wok bung wantaim, mi save olsem mipela i ken senisim sindaun bilong HIV AIDS long PNG," Se Peter i tok.



# Sios bung bilong Maun Kepu redi long kamap

Andrew Molen i raitim




Foto: Andrew Molen

Kepu we i stap long gaun bilong em insait long Sauten Hailans provins, i go long wok bilong sios.

Mista Aluya i tok olsem, dispela maun-ten i gat planti gol na arapela risos i stap insait long en na em i laik givim i go bek long God.

"God i givim planti samting long yumi, kaikai, wara, win, graun na olgeta arapela samting.

"Na em i taim nau long yumi long givim sampela samting i go bek long em," Mista Aluya i bin tok long stat bilong dispela yia taim em i kamap namba wantaim long *Wantok Niuspepa* long dispela yia, Mista Aluya i tok.

**MISTA ALUYA:** I tok mani kamap long wanem wok long Maun Kepu bai go long ronim sios bilong em.

go inap long 24 na bai go inapim Morobe provins, Is Sipik provins, Westen provins, Is Nu Briten provins na Nesanel Kapitol Distrik.

Mista Aluya i tok ol i salim tok i go long ol arapela kantri tu long kam long dispela bung.

"Mipela laik toktok strong long ol man-meri wantaim toktok bilong bikman long strong pasin bilong isipela sindaun (pis).

"PNG em i kristen kantri na yumi mas soim dispela pasin tru," Mista Aluya i tok.

Long dispela taim bai em i givim Maun

BIKPELA bung bilong ol sios bilong Profet Moses Kuruku Aluya Maun Hagen i wok long redi nau.

Mista Aluya em papa bilong Wol Prea Senta (World Prayer Centre), wanpela sios em i kamapim long 1992 na nau i gat 20 bikpela senta insait long kantri.

Em i gat 997 memba long sios bilong em.

Dispela bung em i wok long redi long kamapim em long mekim awenes na lotu wantaim ol manmeri.

Raun bilong dispela lotu bai stat long Maun Hagen long Epril 20 i

# Kumu em bun bilong Papua Niugini

## Kibung bai glasim strong bilong em long kisim gutpela sindaun

STRONG bilong ol kumu kaikai long helpim bodi insait long ol developing kantri bai bikpela wok glasim long wanpela kibung i kamap long Bubia long Lae dispela wik Fraide.

Dairekta Jeneral bilong Wol Vestabol (kumu) Senta, Dokta Dyno Keatinge, husat i raun namba wan taim i kam long

PNG, bai go pas long mekim toktok long dispela samting.

Het tok bilong dispela bung em Paitim daunim malnutrisin na poveti long developing wol, wantaim bikpela luksave long strong yumi ol manmeri i save kisim taim yumi kaikai kumu.

Wol Vestabol Senta long Taiwan, em ol lain i go pas long

wok risets o glasim long kumu long wol.

Bikpela wok bilong en em long rausim pasin turangu na malnutrisin long ol kantri.

Ol arapela biknem bisnis na manmeri husat i wok long agrikalsa indastri bai kam kamap long dispela kibung long Bubia tu.

# Planti salens i stap

## Gamato tokim nupela administreta bilong Morobe

Bustin Anzu i raitim

**BIPO** ekting Morobe administreta i tokim man i kisim ples bilong em olsem i gat planti salens i stap long rot bilong givim sevis long ol manmeri bilong Morobe.

Patalias Gamato i tok olsem lida bilong provins, em i no isi wok.

"I gat hevi bilong lo na oda long provins...wantaim dispela em hevi olsem biktaun Lae i bagarap, i nogat moa strit lait, planti hevi bilong disasta, ol nes i stop wok, nogat marasin bilong ol siklain, ol tisa i kros long pe. Ol dispela hevi i no giaman. Em ol hevi i stap na yumi mas wok long stretim," Mista Gamato i tok.

Em i mekim dispela toktok bihain long givim wok provinsel administreta i go long Kemas Tomala las wik Fonde.

Mista Gamato i go bek long olpela wok bilong em olsem namba tu administreta.

Em i tok ol dispela hevi em ol trupela na ol bisnis na mameri bilong Lae i no amamas long dispela ol hevi we i stopim ol gutpela sevis long go long ol.

Gavana bilong Morobe, Luther Wenge, Mema bilong Kabwum na Minista bilong Difens, Bob Dadae, na Mema bilong Huon Gulf na Minista bilong Helt na HIV/AIDS, Sasa Zibe na sinia stetemen Se Nagora Bogan i bin

bung wantaim ol narapela lida long lukim dispela bung.

Mista Gamato, husat i bin holim dispela wok olsem ekting provinsel administreta i tok, maski ol dispela hevi em i stap, em bai givim olgeta sapot bilong em long Mista Tomala long ronim dispela provins long givim ol sevis long ol manmeri bilong Morobe.

Em i tok Nesinol Eksekutiv Kaunsil (NEC) i makim wanpela gutpela man long ronim dispela provins long wanem, em i gat gutpela save long mekim wok.

"Mi gat planti bilip long nupela administreta bilong mipela na mi bai stap bak-sait long em long sapotim em long mekim wok bilong em olsem administreta bilong provins," Mista Gamato i tok.

Em i tok tu olsem Morobe em wanpela provins long kantri we ol i makim provinsel administreta long we bilong em stret. Ol narapela provins i save kisim kain wok i go long kot long mekim disisen bilong ol na dispela i no stret.

Mista Tomala i tok, "Opis bilong mi bai op long olgeta manmeri. Mi i nogat bekim bilong olgeta hevi tasol mi bai harim tok bilong yu...na mi laik toksave olsem olgeta pablik sevis i mas stap wantaim mi long mekim ol dispela wok."

Mista Wenge i tok tenk yu long Mista Gamato long lukautim provins taim ol i wok long painim administreta bilong provins.

# Ol trefik polis kisim ol nupela kar

Nicky Bernard i raitim

POLIS long kantri i stat long mekim wok gavman i tokim ol long mekim long stretim polis fos long kantri.

Long Tunde dispela wik ol trefik polis long Nesanel Kapitel Distrik (NCD) i kisim wanpela nupela kar bilong helpim ol long wok bilong ol long NCD.

Dispela nupela kar ol wokim long Korja (Korea) na em i nupela kain kar long Papua Niugini. Polis i baim

dispela kar long 90 tausen na olgeta samting bilong wok trefik i stap insait.

Taim em i givim ki bilong kar i go long bos bilong ol trefik polis long Tunde, man i go pas long logistic bilong ol polis, Joab Mangae, i tok ol bai kisim tupela wankain kar bilong trefik na 4-pela bilong Boroko.

Mista Mangae i tok olsem polis fos bai lukluk long kisim ol dispela kar bilong ol bikpela hap pastaim na bihain bai ol i ken lukluk long

kisim bilong ol liklik hap.

Dispela long wanem gavman i nogat inap mani long kisim bilong kar bilong olgeta hap.

"Mipela askim long 3 milion long gavman long senisim ol samting bilong polis tasol ol i givim mipela 1 milion tasol na dispela i no inap" Mista Mangae i tok.

Ol dispela bikpela hap polis bai lukluk long ol em Lae, Maun Hagen na Kokopo, na Boroko long NCD, Mista Mangae i tok.

## LAITIM PLES

**ON:** Kwapeupa Kelepana long Abau distrik bilong Sentrel provins em i namba wan ples long kisim nupela pawa bilong givim lait long ples. Deputi praim minista na memba bilong Abau, Dokta Puka Temu, i opim dispela projek long ples las wik.

Foto: Andrew Molen



# Opis bilong Klaimet Senis i bai go aut long mekim wok awenes

OPIS bilong Klaimet Senis na Environmen Sastenabiliti (OCC na ES) bai go het long bikpela wok awenes program long kantri long paitim toktok wantaim ol provinsel gavman, ol papagraun na olgeta lain i stap insait long ol hevi bilong klaimet senis.

Dispela wokabaut bilong OCC na ES i bai bungim tingting long kamapim wanpela nesanel polisi long klaimet senis na lo bilong strongim.

Namba wan hap ol bai raun i go

lukim em Isten Hailans provins long Me 4 i go Me 5.

Praim Minista Se Michael Somare bai lonsim konprens.

Bihain long en, bai ol i go long Madang long Me 7 i go 8, Rabaul long Me 11 i go 12 na Alotau long Me 14 i go inap 15.

Astingting bilong dispela ol kibung em bilong skelim tingting bilong ol provinsel gavman, ol papagraun na olgeta arapela stekholda long daunim ol pipia yumi long PNG i wok rausim.



MIPELA YAI!



**AMAMAS WANTAIM:**  
I save gutpela long lukim ol meri long ples Kwapewupa Kelepana i malolo liklik aninit long ples kol bihain long ol i wokhat long san. Ol meri save amamas long bung wantaim na stori.

*Poto: Andrew Molen*

# Ol meri fama long Wewak kisim abus bilong lukautim

**FAUNDESEN** bilong ol Meri long Agrikalsa Developmen (FOWIAD), wanpela mama fama grup long Wewak, Is Sepik provins, i kisim namba wan saplai bilong ol memek, pato na rebit long lukautim.

Dispela namba wan lot abus em ol i kisim long Nesenel Agrikalsa Rises Institut (NARI).

Astingting long baim ol dispela samting, em bilong lukautim i go bikpela, na maritim ol abus bai ol i ken groim planti moa.

Insait long dispela namba wan hap ol abus i gat 6-pela memek (5-pela meri na wanpela man), 14 pato (12-pela meri na tupela man) na 9-pela rebit (5-pela meri na 4-pela man).

Konsot (Consort) Siping kampani i bin karim ol dispela abus long Lae, Morobe provins i go olgeta long Wewak long Mas 22.

NARI i tok ol dispela abus bai helpim ol dispela meri long kamapim moa abus bilong salim na strongim ol abus long dispela hap ples ol i stap long en.

Bihain long en, ol savemanmeri bilong NARI yet bai go daun na sekim ol bai ol i ken kisim liklik moa skul o trening long lukautim ol abus.

Ol pikinini bilong ol dispela namba wan abus ol i kisim, em ol meri bai tilim i go aut

long ol arapela manmeri long ples long lukautim na groim tu.


Meri i go pas long FOWIAD, Monica Otto, i bin stretim wokabaut bilong ol animol long Labu laip stok rises stesin long wok bihainim paitim toktok bilong Momase Rijenel Rises na Developmen Advaisori Komiti wantaim ol savemanmeri bilong NARI yet.

Ol dispela animol bai strongim groim bilong ol namba wan animol prodak olsem mit abus, susu, kiau na skin. Ol inap yusim ol animol bilong mekim winmani na long strongim ol gaden bilong ol.

Olgeta ol dispela animol i save gro gut long Papua Niugini. Taspl ol i mas i gat gutpela wok lukautim, kisim gutpela kaikai, na i gat gutpela ples bilong slip wantaim gutpela wara bilong dring.

REWARD YOURSELF WITH HYUNDAI

# K10000 IN CASH



**Feature packed HD65:**

- Choice of new D4AF 3.6L engine or powerful D4DB 3.9L Turbo
- Telescopic Steering Column
- Expansive windscreen
- Power Steering
- Carries 3.6 tonnes
- Extra large bumper
- Fold down side & tailgates
- Tilt Cab (for ease of servicing)


Tick all the boxes and reward yourself with PNG's most economical truck!

FROM **K79,990** DRIVE AWAY

**BUY A HD65 IN APRIL OR MAY AND YOU COULD WIN ONE OF 2 PRIZES OF K10000!**

\*Offer is valid until 31st May 2009. Draw will be held on 1st June 2009. Conditions apply. Vehicles must be paid for and delivered prior to May 31st. Visit PNG Motors for further details.

WAS GUT



**SANAP:** Ol dispela meri Aroma i was long ol kaikai bilong ol manmeri long wanpela bikpela bung long ples bilong ol las wik. *Poto: Andrew Molen*



Book your test drive today...

Port Moresby 325 5788 Lae 472 4733  
Mount Hagen 542 2100 Kokopo 982 8514



**PNG MOTORS**  
WE ARE PNG PEOPLE



**NIUPELA**

**TOYOTA  
HILUX**

**Nambawan 4x4  
Dabol Keb Long PNG  
Nau i gutpela moiet long bipo**

**Hilux 4x4  
Dabol Keb  
em i lida  
long  
maket  
bilong en  
long wanem :**



- ✓ Em i karim strongpela nem bilong Toyota
- ✓ Ol i mekim strong long istap long PNG
- ✓ Yu ken salim long gutpela prais
- ✓ I no dia tumas long lukautim
- ✓ Em i stail moa na insait bilong em i gutpela tru

**K89,900**

*Drivim i go spesol!*

**Na antap long olgeta igat...**

- Strongpela 2.5 TURBO ensin
- Komonreil teknoloji long holim piul stap longtaim
- Pawa stiring
- Ekondisin
- 4 pela spika Stirio Sistem
- I gutpela long sindaunim gut draiva na pasindia wantaim



Bikpela cabin speis long insait



Niupela Stail lukluk



Bigpela bodi bilong kar

**Ela Motors  
TOYOTA**

*Your First Choice*

**Go long Ela Motors brens i stap klostu long yu na lukim watpo ol manmeri i save laikim tumas Toyota Hilux 4x4 Dabol Keb na long ol arapela modol.**

Port Moresby.. Ph 3229400	Kimbe.... Ph 9835155	Wewak...Ph 8562255
Lee..... Ph 4781800	Lihir..... Ph 9864099	Vanimo...Ph 8571254
Kokopo..... Ph 9829100	Buka..... Ph 9739915	Tabubil... Ph 5489060
Madang..... Ph 8522188	Goroka... Ph 7321844	Porgera..Ph 5479367
Mt. Hagen..... Ph 5421888	Kavieng..Ph 9842788	Alotau.... Ph 6410100

Condisins istap! . Promo baipinis long : 30/04/2009 . [www.elamotors.com.pg](http://www.elamotors.com.pg)



EM10123








# KOMUNITI JASTI

## Han Bilong Lo na Jastis

*Kamapim Gutpela na Senta*




Tok welkam long fran bilong senta.



Sainbot i stap antap long haus bilong senta.



Pater Sakite na his eklesensi Apostolik bilong PNG na Solomon Ailans - Asbisop Fransis Montecillo Padilla i wokabaut i go long blessing opim senta.



Nesene! Kodineta bilong Komyuniti Jastis Laiesen Yunit, Dokta Rodney Kameata.

## OPIM BILONG SANTU ARNOLD JANSSEN I MAS 10

Santu Arnold Janssen Humen Developmen Senta i bin opim dua bilong em long namba 10 de bilong mun Mas 2009. Man i makim Pop long Katolik Sios long PNG na Solomon Ailans, em Aposolik Nansio Francisco Padilla yet i bin opim. Ol arapela bikmanmeri husat i kam stap lukim opim em presiden bilong PNG Lo Sosaiti, Kerenga Kua, husat i givim liklik helpim mani i go long senta, Dokta Rodney Kameata na ol lain bilong em long Komyuniti Jastis Laiesen Yunit, Joe Kanekane na ol lain bilong em long Lo na Jastis Sekta na ol asbisop bilong ol arapela provins.

Ol skul ol i save kisim long senta em we bilong stretim kaikai bai em i stap longpeia taim. we bilong yusim graun bilong groim kaikai. lukautim bis. poter mekim ol pot long graun, mekim ol bak-ston, trenin bilong ol yangpela long wok lida, gutpela edukesen na program bilong strongim bek ol manmeri bihain long ol i kisim drak.



Presiden bilong PNG Lo Sosaiti, Kerenga Kua i toktok long ol pipel bilong Simbu long opim bilong senta.

Dispela Arnold Janssen Humen Developmen Senta, em wanpela Katolik Pater, nem bilong em Joseph Sakite, bilong ples Gana, Afrika i bin kirapim long 1993. Pater Sakite em i lukautim paris bilong Gogime long Simbu provins.

Pater Sakite na Santu Arnold Janssen Senta i save ol pas long wok lida trenin long Gogime na Nauro eria. Lidasip trenin program em ol i kamapim long strongim komyuniti lida wantaim save bilong strongim sindaun bilong ol long ples. Ol dispela i poromanim ol save long lukautim kaikai bai ol i ken lukautim ol yet na rausim hevi bilong nogat gutpela sindaun na ol hevi bilong lo na oda.

As tingting long em i kamapim kain senta olsem em bilong skulim ol famili long helpim ol yet na long promotim jastis na pasin bel isi insait long komyuniti. Moto o bikpela het tok bilong senta em bilong, Lainim, Pre na Wok wantaim Amamas na luksave long gutpela sindaun bilong olgeta pipel bilong Papua Niugini i hat wok long stretim sindaun bihainim spirit na tok na sindaun wantaim ol stia bilong Gospel.

Komyuniti Jastis Laiesen Yunit (CJLU) i bin kirapim wok wantaim Pater Sakite na Santu Arnold Janssen Humen Developmen Senta long 2006 taim CJLU i bin givim moni sapot aninit long Kontestabel Fanding Gren Skim bilong en i go long Santu Arnold Janssen Senta long karimaut ol drak riabiltesen wok bilong rausim drak long komyuniti, strongim bek lo an oda na opim dua long moa wok komyuniti developmen. Bihain long ol i luksave olsem ol program bilong Santu Arnold



Ol kalabus long Bomana i drain ol pinat long mekim pinat bata.



Ol kalabus long Bomana na sampela ol manmeri long komyuniti i rausim skin bilong tapiok na drain ol long san long mekim tapiok flawa.



Sosol na Riabiltesen opisa, Mista Ito, wantaim Pater Sakite na ol kalabus long Bomana.



Long lephan i go rait Kalabus Komanda Mista Dokta Kameata na long nektal) em Mista Tarub Gutpela Sindaun Progre



# Sios stap gut long toksave long sik AIDS

James Kila i raitim

OL EDUKESEN institut bilong sios i stap long gutpela mak long Papua Niugini (PNG) long givim moa toksave o awenes bilong sik AIDS i go long ol manmeri long ol ples.

Wanpela intanesenel trena, Dokta Bill Bieber i mekim dispela tok long wik i go pinis long Kefamo Katolik Konfrens Senta klostu long Goroka, Isten Hailans provins.

Dokta Bill wantaim meri bilong

em Sharon bilong Ol Medikel Embeseda Intanesenel (MAI) bilong Kanada (Canada), i roim wanpela trena bilong ol trena (TOT) trening bilong 30 sios edukesen sekreteri bilong Evanjelikel Alaiens -PNG Edukesen Ejensi skul long kantri.

"Ol sios skul i stap klostu moa wantaim ol manmeri long planti ples.

"Dispela em gutpela long wanem ol dispela skul i ken givim awenes bilong sik AIDS long ol

manmeri," Dokta Bill i tok.

Stap bilong ol sios long ol ples i winim gavman, Dokta Bill i tok.

Jenerel Sekreteri bilong Evanjelikel Alaiens (PNG), David Kima i tok olsem dispela 5-pela de trening bilong ol sios ejensi sekreteri i gutpela long wanem wanem ol i lainim em ol bai putim long plen bilong ol long givim trening long ol tisa long ol skul.

Bihain ol dispela tisa bai bringim dispela trening i go long ol skul we ol i stap long planti ol ples na moa

manmeri i ken lainim, em i tok.

"Bikpela luksave bilong mipela em insait long edukesen sistem na dispela em ol edukesen sekreteri na ol tisa.


"Long dispela rot mipela i ken givim awenes long ol pikinini bilong mipela long ol skul bilong mipela long kantri," Mista Kima i tok.

Dispela trening long i lukim ol sios ejensi sekreteri i kam long ol provins bilong Westen Hailans, Sauten Hailans, Isten Hailans, Is

Sepik, Wes Sepik, Manus, Westen, Manus na Nesenel Kapitel Distrik.

Mista Kima i tok olsem ol sios ejensi sekreteri i amamas long kisim dispela trening.

Em i tok dispela trening i lukluk tu long ol sios ejensi seketeri long save long wanpela HIV/AIDS Stadi Manual, we ol i mekim na prinin pinis long buk we ol sios ejensi skul long kantri bai yusim long karimaut awenes long ol apa-praimeri na sekonderi skul.



## Noken haitim tok

UNAIDS i tok (2008) olsem HIV i save raun na i kamap bikpela olsem:

- Man i slip wantaim man (homosexual o MSM);
- Mama i givim long pikinini (PMTCT);
- Ol lain i yusim wanpela nidil tasol taim ol i yusim long spak long ol drag;
- Man i prenim meri o meri i prenim man (heterosexual);

Ol dispela tok i stret. Tasol ol program bilong paitim na banisim sik i stap we? Tru, i gat program long ol mama na pikinini (PMTCT), na sampela kantri i gat program bilong lukautim ol lain i save yusim ol drag; tasol hia long Papua Niugini (PNG) nogat.

Ol i haitim tok long man i slip wantaim man (MSM), tasol dispela rot i bikpela tru na planti MSM i wok long givim sik AIDS long ol narapela manmeri long PNG. Yes. Planti MSM i save slip wantaim ol meri tu. I nogat tok klia long dispela pasin.

PNG, nau, i pulap tru long pamuk pasin. Stat long pasin bilong bagarapim ol yanpela boi na gel, pasin bilong reip, i go inap long brukim marit, pamuk pasin i pulap.

Namba bilong ol seks woka bilong PNG na Esia (Asia) long kantri i bikpela tru, tasol nogat lo na oda long en i wok gut long kantri. Sampela ol memba bilong ol palamen i tok ol seks woka i orait long wanem dispela wok mani bilong ol i putim kaikai long tebol bilong ol.

Tingting long seks long PNG i krangi. Rot planti i bihainim em bilong kisim bagarap, karim hevi na kra i nogat. Sik AIDS i no samting bilong pilai wantaim.

Planti toktok long binatang HIV i stap tasol toktok long ol rot bilong banisim dispela binatang i no strong tumas.

Ol man na meri i wok long givim dispela sik long ol narapela manmeri. Tasol, wanem taim bai yumi tokaut stret long bosim (control) pasin na sindaun bilong ol manmeri.

Planti bikman i ting ol i bikman long wanem ol i prenim planti meri. Ol i longlong tru!

Marit-em samting ol manmeri i save i gat rispek long en bipo. Nau planti marit i raun olsem ol i no marit. Pasin pamuk em spot bilong tude!

Bai yu painim lo na oda long seks long we? God i gat tok long pasin yumi mas bihainim o nogat? Yumi kamap ol ia pas Kristen nau? Planti bilong ol dispela pasin em sin pasin tasol na i banisim ol manmeri long blessing bilong God. Planti manmeri tumas i ting yu ken pamuk nabaut na pre long God wantaim. Sori. God em i God bilong marimari. Tasol yu i mas sori long rong pasin bilong yu pastaim na promis bai yu i no sin gen.

Rot bilong banisim sik AIDS i stap long han bilong yumi ol manmeri bilong PNG. Ol lida na program long sik AIDS i mas tokaut klia long ol manmeri long ol i mas senisim pasin bilong ol long seks.

# TELISAT

Now available in Wasitak, ESP

Call your loved ones in Wasitak, Angoram in East Sepik Province now from the following TELISAT Telephone numbers:

**275 8196, 275 8197, 275 8198, 275 8199, 275 8200 & 275 8201.**




Your REMOTE connections made CHEAPER and EASY!

For sales enquiries call :  
300 4040, 300 4033 or 300 4046  
Email enquires to: sales@telikompng.com.pg.










# KOMUNITI JASTIS LIAISON UNIT

## Han Bilong Lo na Jastis Sekta Progrem

*Kamapim Gutpela na Strongpela Komyniti*



Tok welkam long fran bilong senta.



Sainbot i stap antap long haus bilong senta.




Pater Sakite na his ekselesni Apostolik Nansio bilong PNG na Solomon Ailians -Asbisop Fransisco Montecillo Padilla i wokabout i go long blesim, na opim senta.




Bisop Anton Bal.



Ol pater na bisop i mekim lotu misa bilong blesim Santu Arnold Janssen Senta.



Apostolik Nansio bilong PNG na Solomon Ailians - Asbisop Fransisco Montecillo Padilla. Wanpela long ol bikpela as tingting long semon bilong em, em stori olsem 'yu givim pis long man inap long wanpela de na em bai kaikai long dispela wanpela de tasol. Sapos yu skulim em long painim pis, em bai kaikai pis i go inap em i lusim graun.' Santu Arnold Janssen senta em i stap insait long wok bilong skul man long painim pis bai em i helpim em yet.



Nesene! Kodineta bilong Komyniti Jastis Laiesen Yunit, Dokta Rodney Kameata.

### OPIM BILONG SANTU ARNOLD JANSSEN HUMEN DEVELOPMEN SENTA LONG SIMBU MAS 10, 2009

Santu Arnold Janssen Humen Developmen Senta i bin opim dua bilong em long namba 10 de bilong mun Mas 2009. Man i makim Pop long Katolik Sios long PNG na Solomon Ailians, em Apostolik Nansio Francisco Padilla yet i bin opim. Ol arapela bikmanmeri husat i kam stap lukim opim em presiden bilong PNG Lo Sosait. Kerenga Kua, husat i givim liklik helpim mani i go long senta, Dokta Rodney Kameata na ol lain bilong em long Komyniti Jastis Laiesen Yunit, Joe Kanekane na ol lain bilong em long Lo na Jastis Sekta na ol asbisop bilong ol arapela provins.

Dispela Arnold Janssen Humen Developmen Senta, em wanpela Katolik Pater, nem bilong em Joseph Sakite, bilong ples Gana, Afrika i bin kirapim long 1993. Pater Sakite em i lukautim paris bilong Gogime long Simbu provins.

As tingting long em i kamapim kain senta olsem em bilong skulim ol famili long helpim ol yet na long promotim jastis na pasin bel isi insait long komyniti. Moto o bikpela het tok bilong senta em bilong, Lainim, Pre na Wok wantaim Amamas na luksave long gutpela sindaun bilong olgeta pipel bilong Papua Niugini i hat wok long stretim sindaun biahainim spirit na tok na sindaun wantaim ol stia bilong Gospel.

Ol skul ol i save kisim long senta em we bilong stretim kaikai bai em i stap longpela taim. we bilong yusim graun bilong groim kaikai. lukautim pis, potem mekim ol pot long graun, mekim ol buk baston, trenim bilong ol yangpela long wok iiga, gutpela edukesen na progrem bilong strongim bek ol manmeri biahainim ol i kisim drak.

Pater Sakite na Santu Arnold Janssen Senta i save pas long wok lida trening long Gogime na Nauro em. Lidasip trening progrem em ol i kamapim long strongim komyniti lida wantaim save bilong strongim sindaun bilong ol long ples. Ol dispela i poromanim ol save long lukautim kaikai bai ol i ken lukautim ol yet na rausim hevi bilong nogat gutpela sindaun na ol hevi bilong lo na oda.

Komyniti Jastis Laiesen Yunit (CJLU) i bin kirapim wok wantaim Pater Sakite na Santu Arnold Janssen Humen Developmen Senta long 2006 taim CJLU i bin givim moni sapot aninit long Kontestabel Fanding Gren Skim bilong en i go long Santu Arnold Janssen Senta long karimaut ol drak riabilitesen wok bilong rausim drak long komyniti, strongim bek lo an oda na opim dua long moa wok komyniti developmen. Biahainim long ol i luksave olsem ol progrem bilong Santu Arnold

senta i gat gutpela kaikai bilong em long laip bilong ol manmeri long komyniti, CJLU i kisim Santu Arnold senta long wok olsem kontrak aninit long Projek Romulesen Dokumen (PFD) long givim skiis trening, moa yet long pasin bilong lukautim na stretim kaikai insait long fopela haus kalabus long PNG, em Bihute, Bundaira, Barawagi na Bomana. Dispela em ol i mekim olsem wanpela progrem bilong stretim bek pasin na tingting bilong ol kalabus manmeri long neipim ol i go bek long ol komyniti bilong ol. Dispela ol skils trening em i kamap pinis na i pinis gut.

Progrem bilong Pater Sakite na ol arapela we Pater Ziowski i mekim long Simbu Migende peris i helpim long daunim ol traibel pait na birua. Sampela ol gutpela stori long dispela tupela man em long Nauro Gororia, we tupela progrem i kamap gut na ron-poroman wantaim. Nau ol komyniti long dispela hap i gat ol lo bilong ol long stretim ol hevi. Dispela em sampela ol samting Nesene! Lo na Jastis polis i save lukluk long en long kisim komyniti i go insait long en. Em nau bai kos o hevi bilong wok lo na oda bai i no antap tumas taim ol komyniti i go pas long ol wok lo na oda.

Santu Arnold Janssen Humen Developmen Senta nau i sanap olsem wanpela skul bilong lainim samting long

ol manmeri na io na jastis sekta. Dispela wokbung i ken stap i go longpela taim. Long 2009, CJLU na Santu Arnold Janssen Senta bai wokbung yet long glasim bek dispela progrem em i mekim wantaim ol lain kalabus na lukluk long sampela moa samting bilong wok wantaim Koreksenal Sevis long we em i ken daunim skel bilong kaikai taim ol i kisim ol kaikai bilong ples yet olsem tapiok. Long ol Koreksenal Sevis, em bai helpim tru long daunim kos bilong baim kaikai bilong ol haus kalabus. CJLU na Santu Arnold Janssen Senta wantaim wok bilong Pater Sakite, i traim long kamapim senis long Lo na Jastis sekta.


Wok bilong senta bai go het long helpim strongim lo na jastis insait long ol komyniti. Ol bai givim ol pipel save inap bai ol i kamap self rilaien o lukautim ol yet, strongim pasin bel isi na kamapim gutpela sindaun.

**Long kisim moa toktok ringim Lavinia Magiar o Rodney Kameata long:**


Telepon: 323 3098 / 323 9097

Emel: lavinia.magiar@cjl.org.pg

o rodney.kameata@cjl.org.pg



Ol pipel bilong Simbu na kontribusen mani bilong ol we ol i givim long senta long helpim wok bilong en.



Dairekta bilong Lo na Jastis Sekta Sekreteriet, Joe Kanekane.



Ol kalabus long Bomana i drain ol pinat long mekim pinat bata.



Ol kalabus long Bomana na sampela ol manmeri long komyniti i rausim skin bilong tapiok na drain ol long san long mekim tapiok flawa.



Sosol na Riabilitesen opisa, Mista Ito, wantaim Pater Sakite na ol kalabus long Bomana.




Long lephan i go railhan, Bomana Haus Kalabus Komanda Mista Bine, namel em Dokta Kameata na long railhan (wantaim nektal) em Mista Tarube long pasim bilong Gutpela Sindaun Program.



Wanpela meri kalabus i sekan na tok gutbai long Pater Sakite.




Ol kalabus long Bomana i sindaun harim toktok long pasim bilong Gutpela Sindaun Program.



Sampela long ol aspies manmeri i werim bilas bilong Simbu na kamap long lukim opim bilong senta.



**GLASIM TOK**  
WANTAIM  
Fr Lollington Wiam



## Amamas, Jisas kirap bek

OL HET bilong ol gavman dipatmen, ol politikel lida, na ol bisnismanmeri i bung-wantaim yumi ol liklik manmeri long ista. Long ol niuspepa, ol ista toktok pulap long sios wok na pasin politik long Papua Niugini (PNG). Sampela toktok i go stret, sampela toktok em ol kain mauswara yumi ol grasrut i harim planti taim pinis.

Tasol ol bikpela ol toktok bilong sios i olsem sios i tok welkam long ol Kristen long lukluk gut insait long len sisen. Lukluk long yu yet na pogivnes, fas, ritim toktok bilong God na pre long en na senisim ol pasin i no gut-pela we yumi wanwan i wok long mekim. Dispela ol wok, sios i bin strongim yumi long redim stat bilong len i kam inap long dai na kirap bek bilong Jisas Kraus. Sapos yumi redim dispela wok insait long Kristen laip bilong yumi em nau em ista bai i bin i gat bikpela as bilong yumi wanwan manmeri.

Yumi lukim wanem hevi Jisas i bungim insait long Holi Wik, wanem em i bungim long Gut Fraide - Kruse, na wanem em bungim long Ista Sande - kirap bek long matmat. Yumi lukim em i bringim yumi Gutnius, givim yumi nupela laip na mekim yumi ol nupela manmeri.

Sapos yumi abrusim wok sios i strongim yumi long mekim bai yumi amamasim ista olsem wanem? Sapos yumi putim mauswara nating long ol niuspepa, redio na televisin, bai yumi bungim Jisas Kraus long kruse na bai yumi amamasim bikpela pastedo bilong ista olsem wanem? Em salens bilong yumi wanwan Kristen manmeri. Ista em i no samting bilong amamas long bodi, nogat, em amamas bilong lewa bilong yumi wantaim God Papa.

God Papa i mekim bikpela wok long salim Jisas i kam na dai long sin bilong yumi. Ista em taim bilong tok tenkyu long God long marimari bilong em. Marimari we em i bin givim yumi pikinini bilong em Jisas Kraus long karim pen, dai na kirap bek, daunim wok bilong Satan na givim yumi nupela laip.

# Sios Patnasip Program bung long glasim wok bilong ol

Veronica Hatutasi i raitim

**MEKIM wok long lukautim ol manmeri i stap long hevi. Noken toktok tasol.**

Em bikpela toktok we i kamap long 4-pela de bung bilong Sios Patnasip Program (CPP) long Mosbi, Nesenel Kapitel Distrik long dispela mun.

Annabel Dulhunty bilong Caritas Australia i mekim dispela toktok taim em i givim toktok bilong em long dispela bung.

Mis Dulhunty i tok ol manmeri i mas lukautim ol ara-

pela manmeri na ol sios i gat bikpela wok long helpim kamapim na strongim dispela pasin.

"Long tude, i gat planti hevi i kamap, na ol manmeri husat planti taim i save pilim ol dispela hevi moa long ol arapela manmeri em ol meri, ol liklik pikinini, ol lapun manmeri, na ol manmeri i gat ol bagarap long ol bodi bilong ol (disabled).

"Ol sios i mas luksave long ol hevi we i wok long kamap bikpela long kantri na mekim wok long daunim na stopim," em i tok.

Samting olsem 100 man-

meri i makim 7-pela CPP sios memba olsem Angliken, Katolik, Luteran, Yunaitet, Seven De Adventis, Salvesen Ami na Baptis Yunien, i bin stap insait long namba wan bung bilong ol long dispela yia.

CPP i stat long 2004 long ol memba sios i wokbung gut wantaim Gavman bilong Papua Niugini (PNG) na AusAID (wanpela han bilong Gavman bilong Australia). AusAID i givim helpim mani long ol sios bilong karimaut ol wok bilong edukesen, helt olsem wok bilong daunim sik AIDS na ol arapela wok.

Gavman na AusAID i bilip olsem ol sios bai wok strong na yusim gut mani long kisim ol edukesen, helt na ol arapela sevis i go long ol manmeri.

Long bung bilong ol, ol CPP memba i givim ol ripot long ol wok go het i kamap long ol wanwan memba aninit long ol projek na program plen bilong ol.

Ol CPP memba i toktok tu long ol sampela ol bikpela hevi ol komyuniti na kantri i bungim na toktok long ol we ol i ken helpim long stretim ol dispela hevi.

## CPP wetim tok orait bilong gavman long K10m

SIOS Patnasip Program (CPP) i wetim yet tok orait i kam long gavman long K10 milion we AusAID i givim bilong skruim namba tu hap bilong CPP wok program bilong ol.

Jenerel Sekreteri bilong Katolik Bisops Konpresns (CBC), Pater Nick de Groot, i tokaut

long dispela long bung bilong ol dispela mun.

Pater Nick i tok namba wan hap long mekim ol wok aninit long 5-pela yia CPP, bai pinis long Disemba long dispela yia. Namba tu hap bilong program bai go het nau na ol i redim ol wok na plen long ol projek na ol program bilong

ol. Em i tok ol i toktok pinis wantaim gavman long Oktoba na Novemba las yia tasol ol i no kisim wanpela gutpela bekim yet long en.

Pater Nick i tok olsem las yia, ol i bin bung na toktok wantaim ol bosman bilong Dipatmen bilong Nesenel Plening long dispela mani na ol

bosman i bin tok ol bai givim dispela mani.

"Tasol 5-pela mun i go pinis na CPP i wetim yet dispela mani," Pater de Groot i tok.

Tasol Pater de Groot i tok olsem CPP i kamapim gutpela wokbung wantaim wanpela arapela.

"Stat yet long kamap

bilong CPP long 2004, ol CPP memba i kamapim gutpela wokbung.

"Dispela wokbung i no bin stap bipo. CPP i bungim mipela," em i tok.

Ol 7-pela CPP sios em Angliken, Katolik, Luteran, Yunaitet, Seven De Adventis, Salvesen Ami na Baptis Yunien.

## Strongim nau bel isi na gutpela sindaun long famili

Veronica Hatutasi i raitim

STRONGPELA toktok long bel isi, bilip, laip na strongim gutpela sindaun long famili na komyuniti i go aut long ol Katolik manmeri bilong Santu Charles Lwanga peris long Gerehu, Nesenel Kapitel Distrik long Ista Sande moning misa lotu.

Samting olsem 1000 bilip manmeri i pulapim sios graun we lotu i kamap.

Wantaim ol gutpela singsing bilong ol kwaia, na helpim bilong Pater John Wilio, Pater Gabriel Pinda MSC, peris pris, i go pas long lotu.

Ol singsing na Baibel rit i strongim toktok Pater Gabriel i autim bilong win long laip, bilip na

laip oltaim oltaim we Jisas i givim long wol taim em i kirap bek long dai long Ista Sande moa long 2000 yia i go pinis.

"Tude, yumi selebret, skelim na tingim Gospel na stori bilong Jisas long pen em i karim long Gut Fraide, dai na kirap bek long matmat, wantaim ol Katolik bilipmanmeri long olgeta hap bilong wol.

Taim yumi tingim bek pen, hevi na dai bilong dispela man husat i no wokim wanpela rong i bin karim long Gut Fraide, yumi askim yumi yet olsem, yumi senis tu?" Pater Gabriel i tok.

Em i tok olsem sapos yumi tubel, yumi no inap long pilim dispela kirap bek bilong Jisas.

Pater Gabriel i tok olsem ol komyuniti na famili i ol as bilong sios we yumi save kisim sapot na

strong na yumi i mas stap pas wantaim insait long ol.

"Larim Jisas i kam insait long laip bilong yumi na yumi i ken lukim wol, famili, komyuniti na sios long nupela we," Pater Gabriel i tok.

Long Sarere nait Ista Vijil misa lotu sevis, Pater John i givim baptis long planti pikinini na sampela bikpela pipel tu.

Long tok stia bilong em, Pater John i tokim ol papamama olsem em i wok bilong ol nau long lukautim gut ol pikinini i kisim sakramen bilong baptis i kamap bikpela long gutpela Kristen rot.

Em i tok yumi i mas sanap strong long bilip olsem ol Kristen manmeri i kirap bek long sin na dai wantaim Jisas long Ista Sande.



MISA: Lotu i pinis na proseso i wokabout i go bek insait long sios. Foto: Veronica Hatutasi



# WANTOK KOMENTRI

## Tripela kundu i mas pairap strong

LONG dispela taim we planti ol kantri long wol i pilim pen na seksek bilong mani sindaun long wol, tripela kundu nau i wok pairap strong yet long Papua Niugini (PNG).

Em nau, Benk Saut Pasifik, em ol lain i baim PNG Benking Koporesen (PNGBC), i kirapim das aste Trinde moning, taim ol i lonsim bek nupela nem na pes kala bilong ol.

Nupela kala bilong ol em i laim grin, grin we i no wankain olsem grin bilong ol long bipo. Tripela kundu i stap yet, tasol nau nem ol i laikim bai klia moa em BSP, i no moa Benk Saut Pasifik.

Na long poromanim nem bilong ol, hap tok 'Benk bilong yu' i stap strong. Dispela em i luksave ol i laik strongim namel long PNG manmeri.

Ating i gutpela olsem BSP nau i laik strongim moa bilip bilong ol bisnis na ol kastoma bilong ol.

Tru tumas, BSP yet i gat inap save na strong bilong opim nupela nem na luksave bilong em.

Bihain long ol baim PNGBC, planti manmeri tru, husat i bin luksave long PNGBC olsem benk tru bilong ol manmeri bilong kantri, em nau ol i kalap i go bihainim BSP gen.

Long las yia tasol, BSP i bungim planti hevi tru taim ol raskol i wok hotim pasim ol menesa na wok-lain bilong ol na go insait long ol provinsel benk na stilim mani.

Bosman bilong BSP, Ian Clyne, i tokaut olsem sekyuriti em i wanpela bikpela samting long wok bisnis bilong benk, na sapos i gat ol dispela kain hevi i kamap yet, bai ol woklain les long go wok long ol ples i stap longwe long Mosbi.

Tasol pasin bilong amamasim nating gutnem, bai samting nating tasol, sapos i nogat gutpela samting bilong go bek long ol liklik manmeri.

Mista Clyne yet i tok klia olsem bai gat ol nupela ol sevis o strongim ol sevis i stap pinis bai kamap yet.

Tasol wanem kain ol gutpela sevis tru bai kamap, mipela i no save yet.



Wanpela samting mipela i save, em kain sistem bilong yusim pasbuk, em ating bai hat moa long stap yet. Sampela bikman long BSP yet i tokaut olsem pasbuk sistem bilong ol manmeri long yusim em i dia tumas.

Mista Clyne yet i tok olsem kos benk i save karim taim em i givim sevis long wanpela bikpela bisnisman em i

wankain mak tasol sapos em i givim sevis long wanpela man bilong ples i gat pasbuk akaun.

Wanpela bikman long BSP i tokim *Wantok Niuspepa* olsem bai em i mobeta sapos olgeta manmeri i save benk wantaim BSP i no moa yusim pasbuk na i yusim tasol Kundu Kat.

Mipela yet, mipela i no save long mak

bilong senis long sevis bai kamap na mipela bai lukim.

Tasol sapos tripela kunda i laik bai ol manmeri i danis yet na bihainim pairap bilong ol, ol i mas mekim samting stret.

Sapos i gat ol nupela sevis i kamap, kundu i mas pairap strong, bai ol manmeri i ken harim, lainim na save,

# WANTOK

Published Weekly, Thursday, for  
Word Publishing Company, Ltd.  
P.O. Box 1982, Boroko, NCD  
Papua New Guinea

Telephone: (675) 325 2500

Fax: (675) 325 2579

Email: [editorial@wantok.com.pg](mailto:editorial@wantok.com.pg)

Pe bilong wanpela yia  
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager  
Elizabeth Konga

Editor  
Neville Choi

Published at  
Section 58, Allotment 3  
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

## Ista, taim bilong tingim Jisas Kraiss

MI BILIP planti manmeri long Papua Niugini (PNG) las wiken i luksave long as tru bilong Ista.

Mi bilip dispela taim i strongim bilip bilong wanwan manmeri long Jisas Kraiss na helpim ol long glasim laip bilong ol na ol we ol i ken mekim mobeta.

Long dispela kantri long Ista yumi save tingim stret taim bilong dai na kirap bek bilong Jisas Kraiss. Yumi save lotu na litimapim nem bilong em. Yumi soim olsem PNG i wanpela Kristen kantri.

Tasol long sampela arapela kantri, ol i gat ol we bilong ol yet long luksave long Ista. Ol manmeri long ol dispela kantri i gat narakain tingting long as tru bilong Ista.

Mi wok long lukim long



televisin long wiken. Wanpela stori i stori long ol liklik pikinini long Australia husat i wok long redim ol Ista eg o kiau.

Ol Ista eg ol loli o soklet - switpela kaikai - we ol i mekim luk olsem kiau. Ol manmeri long planti kantri - olsem Australia - i save redim ol dispela soklet long Ista olgeta yia taim Ista i kamap.

Yes, sampela ol dispela kantri i gat ol Kristen manmeri tu i stap na ol tu i bin makim Ista long lotu na tingim dai na kirap bek bilong Jisas Kraiss, tasol planti narapela i luksave long dispela taim wantaim ol Ista kiau tasol.

Long dispela stori long televisin mi lukim, ol dispela liklik pikinini i tokaut long wanem em i as tru bilong Ista long ol. Ol dispela liklik pikinini i bekim olsem Ista em i taim bilong redim ol Ista eg o ista kiau. Nogat wanpela i tok olsem Ista em i taim bilong luksave long dai na kirap bek bilong Jisas Kraiss.

Tasol bai yumi tok wanem? Em we ol papama-bilong ol i skulim ol. Yumi no inap skelim ol arapela manmeri na i tok, long wanem na yu no tingim bikpela de bilong ol Kristen manmeri?

Mobeta yumi lukim ol kain piksa olsem na kisim bikpela tingting i kam bek long yumi yet long laip na sindaun bilong yumi. Yumi glasim pasin na wokabaut bilong

yumi yet.

Sapos Jisas Kraiss i daunim em yet na dai long yumi ol sin manmeri, mobeta yumi ol manmeri husat i mas mekim ol pasin long tok tenkyu long Jisas Kraiss long rausim sin bilong yumi na givim yumi laip oltaim oltaim.

Dai na kirap bek bilong Jisas Kraiss i soim bikpela piksa long yumi. Em i soim yumi olsem yumi i mas daunim yumi yet olsem em na helpim ol arapela manmeri. Mekim gutpela pasin long ol arapela manmeri. Bihainim pasin i stret na gutpela.

Em namba wan na trupela piksa tru bilong yumi olgeta Kristen manmeri long lukim na bihainim na i no bilong tingim Ista long tingting na bodi tasol. Mekim as tru bilong Ista karim kaikai long laip na sindaun bilong yumi.





**TOK PISIN NEWS**  
from Radio Australia

radioaustralia.net.au

Harim TOK PISIN long  
Radio Australia

**101.9FM**  
Port Moresby

**Tok Pisin Service**

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

**RAUSIM KLOS NA SOIM KROS**



**EMERGENCY** - Ol samain bilong kantri Tibet husat Tibet protes a awim belkos ausat long Embasi bilong Saina (China) long Nu Del, India long Epri 13. Ol Tibet samain husat stap hat nau long India i rausim kros bilong ol samain ayoet lasat long banis long protes agensim hevi ol opitel bilong Saina i wok givim long ol pipel bilong Tibet. (EPA Photo i kam long AAP Images)

**UN amamas long pait stop long Sri Lanka**

**YUNAITET** Nesens (United Nations o UN) i amamas long tingting bilong Sri Lanka long noken pait inap long tupela de agensim ol rebel bilong Tamil long not bilong kantri.

Sri Lanka i mekim dispela disisen long larim ol manmeri husat i stap long hap ol pait i wok long kamap long lusim dispela hap.

Sekreteri jenerel bilong UN, Ban Ki Moon, i tok pasin Sri Lanka i mekim em gutpela rot stret ol i bin bihainim long kamapim stretpela we long pinisim ol pait.

Mista Moon i askim ol rebel long stat bihainim ol stretpela rot long tukautim ol manmeri na bihainim tru dispela taim ol i tok long noken pait.

**Tri handret ami na polis bai go long Enga**

**SAMTING** olsem 300 ol ami na polis opisa bai stat long go long Enga provins bilong Papua Niugini dispela wik long traim stopim ol pait na trabel namel long ol grup.

Ol ami na polis opisa bai wok tu long stopim ol manmeri long go painim ol gol, we ol i nogat tok orait long en.

Ripot i kam long hap i bin tok wanpela risev polisman i bin dai long ol trabel klostu long Pogera gol main.

Ripot i tok tu olsem sampela manmeri i bin kisim bagarap long dispela trabel tu.

Provinsl Eksekutiv Kaunsil bilong Enga i askim nesene gavman long salim ami na polis, bihain long wanpela askim i kam long wanpela komyuniti lida bilong Pogera.

Tasol Enga gavana, Peter Ipatas, i tok dispela pasin bilong salim ami na polis i go long Enga long wok sotpela taim i no gutpela. Em i laikim moa polis long i go stap na wok long Enga longpela taim.

Mista Ipatas i tok dispela wok bilong salim ol ami na polis opisa i go long Enga bai kamap nating, long wanem planti long ol manmeri i kamapim trabel i ronawe pinis long Pogera bihain long ol i harim olsem ol ami na polis bai kamap.

I gat planti kain kain toktok i wok long kamap long dispela tingting bilong salim ami na polis i go long Enga.

**Midia long Fiji i no laikim nupela lo**

**SAMPELA** midia (niuspepa, redio na televisin) oganaisesen long Fiji i wok long traim olgeta samting ol i ken long noken bihainim nupela 'sensasip' lo we gavman i kamapim long bosim wanem samting midia i putim aut.

Sean Dorney i ripot olsem namba wan televisin stesin long Fiji, Fiji One, i no laik putim aut wanpela nius aste nait. Ol bos bilong stesin i mekim olsem long wanem ol i no laikim dispela lo hetman bilong infomesen, Mesa Neumi Leweni, i kamapim.

Mista Leweni i gat pawa aninit long imejensi regulesens long mekim disisen long wanem ol stori ol midia inap o i no inap noken putim aut.

Ol niuspepa Fiji Times, Sunday Edition, na Sunday Times, aste i putim aut ol niuspepa wantaim ol pes we i nogat wanpela raiting o poto. Dispela ol pes i bilong ol stori na poto we sensasip i stopim long kam aut.

**Ami gavman rausim ABC niusman**

**Fiji** intarim gavman i rausim Australian Broadcasting Komisnin (ABC) niusman, Sean Dorney, long kantri. Gavman i mekim dispela long wanem ol i tok ol i no laikim ol stori Mista Dorney i wok long putim aut long ol hevi long Fiji.

Niusman long Pasifik, Campbell Cooney, i ripot olsem, stat long taim Fiji i rausim olgeta mama lo bilong kantri las Fraide, ol i putim ol strongpela tambu long ol woknius long hap. Gavman i givim oda long ol midia (niuspepa, redio, na televisin) long noken putim aut ol stori bilong politik na arapela stori we i toktok long ol hevi kantri i wok long bungim.

Long Mande moning gavman i bin tokim Mista Dorney olsem gavman i no amamas long ol stori bilong em long ol hevi bilong kantri, na ol i askim em long lusim kantri - tasol Mista Dorney i no laik lusim kantri.

Bihain long gavman i holim pasim na kalabusim em, ol i tokim em olsem ol bai rausim long kantri.

Long nait ol i karim em i go long wanpela imigresen holding senta long Nadi, na i tuk olsem ol i rausim em pinis na em i kamap long Australia long Tunde.

**PIF wari long Fiji**

**HETMAN** bilong Pasifik Ailans Forum Sekreteriat i tok forum i wari tru long ol hevi i wok long kamap long Fiji.

Sekreteri jenerel bilong forum, TOO-i-LOW-mah nuh-ROW-nah slade Tuiloma Neroni Slade i tok, pasin intarim gavman i mekim long tambuim ol midia long ripot long ol samting ol i no laikim ol long ripot long en, na pasin presiden i mekim long rausim ol jas, i rong olgeta.

Em i tok em bai toktok wantaim siaman na ol narapela lida bilong forum long kamap wantaim ol tingting long dispela ol hevi.

**Wok glasim bai soim wanem kamapim sunami**

**WANPELA** nupela wok glasim i tok, graun gurua long Solomon Ailans (Solomon Islands) long 2007 ating bai soim klia wanem samting i kamapim dispela sunami.

Graun gurua long Epri 2007 i kamapim wanpela sunami we i

kilim 52 manmeri long Solomon Ailans.

Ol savemanmeri bilong mekim wok glasim bilong ol yunivesiti bilong Amerika (United States of America) i glasim ol senis long gurua na we em i kamap na lukluk long ol senis long busgraun raun long Solomon Ailans i narakain.

Ol dispela savemanmeri i tok, ol hap bilong Solomon Ailans i gat samting ol i kolim ol tektonik plet (tectonic plates) aninit long graun we i save muv hariap na tu em i gat sampela long ol yangpela osen bet (ocean beds) long wol.

Ol savemanmeri i ting olsem ol i ken painim ol yangpela hap bilong namel bilong Graun (earth's crust) klostu long ol bigpela gurua. Olsem na ol savemanmeri i bilip dispela gurua long Solomon Ailans i narakain long taim em i stat.

**Ol manmeri soim belhevi na pasim rot**

**OL MANMERI** husat i belhevi long gavman i bung na soim belhevi bilong ol taim ol i pasim sampela bikpela rot long Bangkok, biktaun bilong Tailan (Thailand). Ol manmeri i no laik bihainim sampela strongpela tambu bilong gavman. Ol soldia i go lukim ol dispela manmeri, tasol ol i no mekimsave long ol

**Pacific BEAT**

4. 5. 6am & 4pm, 5pm including sport

Listen to Radio Australia 101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



# WOL HELT DE

“SEVIM OL LAIP - MEKIM OL HAUS SIK I SEIF LONG TAIM BILONG OL IMEJENSI”

## TOKTOK BILONG DAIREKTA JENEREL BILONG WOL HELT OGENAISESEN: Dokta Margaret Chan, Dairekta Jenerel

**T**AIM imejensi, disasta o birua i kamap, planti laip i ken lus o i ken stap seif bihain tasol long birua i kamap. Pipel i lukluk long ol haus sik na ol helt senta long helpim ol gut hariap, olsem laiplain we ol i ken kisim helpim long stap laip na baksait bun bilong sapot.

Birua i kamap taim i gat bikpela imejensi o disasta i save go nogut olgeta taim ol haus sik i feil. Taim haus sik i bagarap o em i bungim hevi, laip bilong ol manmeri i save lukluk long kisim helpim long haus sik long taim bilong imejensi i ken lus. Taim ol sevis na wok long ol haus sik i no ron gut, planti laip i save lus.

Long ol bikpela imejensi o birua, olsem ol dispela we guria o taitwara i kamapim, sampela kantri i bin lusim mak olsem 50 pesen (%) long ol haus sik bilding, ol woklain, stret tru long taim we ol i laikim ol laip seving sevis.

Antap long kamapim bikpela hevi na ol laip i lus, taim ol haus sik i feil long givim sevis long taim bilong imejensi o birua, pablik bai i no amamas, moa yet, taim ol i lukim olsem asua i kamap bikos ol lain i sanapim haus sik i no mekim gut wok na haus sik bilding i bagarap.

Wari long dispela kain samting pablik i autim em i trupela wari. Olsem dispela dokumen i soim, em i no kos bikpela mani long sanapim nupela haus sik we bai sanap strong na i no bagarap long taim bilong guria, taitwara na strongpela win. Em i no kos bikpela mani long sekim na stretim o karimaut ol wok mentenens long ol haus sik bilding na ol masin samting na ol sevis bai ron gut taim hevi i kamap. Em i no inap kos wanpela toea long stap redi na i gat ol wok plen long abrusim na menesim ol hevi long taim hevi na imejensi i kamap i go insait long ol operesen plen bilong haus sik.

Long makim Wol Helt De long dispela yia, Wol Helt Ogenaisesen (WHO) i laikim bai ol haus sik i mekim ol gutpela wok redi long sait bilong inap woklain, inap marasin i stap na ol masin na ol narapela samting long yusim na go hetim ol wok i stapbilong mekim ol haus sik i seif long taim bilong imejensi o birua.

Antap long mekim olsem i gat ol gutpela ples bilong sindaun na wet long lukim dokta na nes na sanapim gut haus sik bilding, gutpela wok plen na karimaut ol imejensi eksasais pastaim long

samting tru i kamap inap long helpim taim bikpela hevi tru tru i kamap. Ol rot we mipela i lukim olsem ol i wok tru em long sistem i mas stap long tokaut taim hevi i laik kamap, na karimaut sampela sefti asesmen o wok glasim, lukautim gut ol ikwipmen o ol masin na ol samting i helpim ol dokta na nes i karimaut ol wok na i gat ol inap marasin saplai i stap, redim ol woklain long menesim na ol rot bilong kontrolim taim i gat planti lain i bungim birua lon g taim bilong imejensi.

Ol kain kain imejensi o birua i

save kamapim ol kain kain bagarap olsem ol bilding, haus, diwai na graun i karamapim o pundaun antap long ol long taim bilong guria, bikpela kol long taim bilong taitwara we ol nes na dokta i mas kisim trening long lukautim ol lain i kisim bagarap long ol kain kain birua. Na inap marasin bilong givim long helpim ol manmeri i kisim bagarap. Ol haus sik i ken mekim ol wok redi na taim ol bagarap i kamap, ol bai redi gu twantaim o woklain na ol marasin.

Em i smat moa na gutpela long

tingting na i gat ol plen i stap pinis bipo birua o imejensi i kamap. Long olgeta hap bilong wol, mak long ol namba bilong ol imejensi i wok long go antap. Dispela bai go het taim. planit manmeri i pulap long ol taun na siti na ol ples ol i stap i no seif. Na tu, klaimet o weda i senis na klostu klostu bai yumi lukim taim bilong bikpela san, bikpela ren, solwara i solap na ol kain moa olsem. Yumi i ken lukluk na save olsem bai i gat moa ples na eria long wol we bai lukim moa hevi na bagarap.

Planti eksperiens i soim gutpela wok kamap na sapot long politikel level i kamap long ples klia taim ol haus sik i no bagarap na i wok i stap olsem mak bilong sekyuriti na strong long taim imejensi na birua na ol bagarap i kamap. Yumi i noken lusim tingting: ol haus sik na ol haus sik fasiliti i makim bikpela invesmen.

Mekim ol i seif long taim bilong imejensi na birua i lukautim dispela invesmen, na tu, lukautim helt na sefti bilong pipel- em i bikpela samting yumi i gat.



Dokta Margaret Chan,  
Dairekta Jenerel.

I kam wantaim gutpela sapot bilong Opis bilong Nesanel Disasta Senta





# WOL HELT DE

"SAVE LIVES - MAKE HOSPITALS SAFE IN EMERGENCIES"

## REMARKS FROM THE NATIONAL DISASTER CENTRE


## New hospitals to consider disasters

By MAUREEN GERAWA  
- PC 9th April 2009.

(1). The safety and integrity of the hospital Standard Operating Procedures (SOPs) during the emergencies are organized responses to the victims caused either by fire related hazards, by chemical incidents, by traffic accidents, by snake bites, by avian flue, by drugs addictions including demonic possessed or natural-caused disasters such as cyclone, and/or human induced calamities such as bomb threats, political instability and civil unrest.

The spill-over effects of these triggering calamities are treated as emergencies by the hospitals, and in order to attend to them with integrity, the physical structures of hospitals, the safety equipment for the key and support hospital emergency players must be of safety standard and integrity certification.

(2) The second issue is related to Giraun. Buruk which may mean either landslide or liquefaction that may impact the physi-



Banner outside the Modilon hospital.

cal foundation or infra-structural structure of the hospital.

Port Moresby General Hospital is safe from landslide or liquefaction because of its natural location away from earthquake prone activity zone.

However in some other hospitals located on the hills, they have to check with appropriate authorities whether or not there is a potential of landslide occurring which might affect the hospital. The safety of the hospital

must of paramount in order to continue to carryout the humanitarian duties in serving the most vulnerable persons.

### HOSPITAL SOPs

To make hospital safe in emergencies either from the impacts of giraun buruk or from the spill-over effects of other common calamities is to establish the Hospital Standard Operating Procedures (SOPs).

The Port Moresby

General Hospital must not only have an updated but also a rehearsed SOP so that every body knows what do and when to come in and when to exit in view of the emergency. This is important in order to avoid confusion, unnecessary panic and chaotic management during major hospital emergencies.

During the International Day for Disaster Reduction on 8th October 2008, the National Disaster

Centre granted the Port Moresby General Hospital a total of ten thousand (K10,000) purposely to help the PMGH authorities to organize workshops to update the hospital's SOP.

A total of seven (7) other provincial hospitals who responded and participated in commemorating the ISDR day last year 2008 will be asked to participate with PMGH as part of their practical learning to improve their respective provincial hospital SOPs.

NDCen is still waiting to participate with the Port Moresby General Hospital through a workshop yet to be organized by PMGH to review or update the Hospital's SOP or Contingency Plan. This is one of the ways to contribute towards "Safe In Hospital Emergencies."

**National Disaster Centre**  
**PO Box 4970**  
**BOROKO-NCD.**

**D**UE to increasing number of natural disasters occurring in the country, the planning and building of health facilities, including hospitals in future will have to place priority on the safety of facilities. This was the general feeling expressed at yesterday's gathering of health officials to mark the World Health Day in Port Moresby. The theme was "Save Lives, Make Hospitals Safe in Emergencies."

A brief report by the Health Department's technical adviser for health emergencies Dr Victor Golpak showed many hospitals in the country did not take into account the location of the hospitals so that they were placed away from the disaster areas. Nonga Base Hospital in East New Britain, was a clear example where hospital equipment worth millions of kina destroyed by the continuous volcanic ashfall could have been saved had authorities taken into account advice. Hospital staff had acquire illnesses due to long periods of exposure to unhealthy environment.

Similarly, the Boram Hospital in Wewak was located near the beach and was likely to be swept away by the rising sea levels in due course. Lae sits on the tectonic plate and was therefore not safe from earthquakes. Should an earthquake occur, the building that might not have been designed structurally safe will result in the spillage of radioactive material from the radiotherapy unit.

Health Secretary Dr Clement Malau, when commenting on the report later, said the Government planned to build seven hospitals in the near future which would take into account the issues spoken about such as designing and building of the facilities to ensure they were safer and resilient and staff and supplies were secure. The proposed new hospitals are Nonga Base Hospital which will be relocated to Kokopo; Wewak; Angau Memorial Hospital in Lae which will take into account the physical structures more attentively because of its location; Central Hospital; Kerema Hospital, Wabag Hospital and one or two will be in the newly created provinces. Yesterday's gathering included a representative from the National Disaster and Emergency Centre, AusAID and WHO-PNG office which sponsored the event. WHO PNG representative Dr Elgil Sorensen said the day focused attention on the large number of lives that can be saved during earthquakes, floods and large scale accident through better design and construction of health facilities and by preparing and training health staff.

"Infectious disease outbreaks such as avian influenza and other major epidemics are another form of public health emergency that hospitals should be prepared for and staff should be trained to tackle. We are also urging hospitals to implement systems to respond to internal emergencies such as fires and ensure the continuity of care in such situations," Dr Sorensen said. He said, PNG was prone to natural-caused disasters due to earthquakes, tsunamis, flooding and volcanic eruptions so medical personnel must be trained to deliver high quality medical service and treatment to victims of disasters.

"Planning and preparation are needed to protect health facilities and make sure they are able to continue providing health care during and after emergencies. A safe health facility will protect patients, visitors and staff from hazards," he said.



Fire simulation exercise by Modilon General Hospital Madang, during International Day for Disaster Reduction on 08 Oct 2008. More rehearsal perfects the actual response situations.



# WOL HELT DE

"SEVIM OL LAIP - MEKIM OL HAUS SIK I SEIF LONG TAIM BILONG OL IMEJENSI"

## Helt sistem long PNG i no redi long lukautim ol imejensi

## Nupela helt plen bai gat ol modol haus sik long lukautim ol imejensi

## Salens long wokbung wantaim na sapatim

Veronica Hatutasi i raitim

**Y**UMI i noken giaman tasol yumi mas luksave olsem hevi i stap na wok bung wantaim long mekim samting long stretim ol bikpela samting i no stret i stap insait long helt sistem bilong yumi long PNG, Nesenel Helt Sekreteri, Dokta Clement Malau i tok.

Dokta Malau i tok olsem taim *Wantok Niuspepa* i stori wantaim em na askim em long tingting bilong em long imejensi sevis insait long ol haus sik long kantri. Na sapos ol i gat ol inap wokman, ol masin na ol marasin long redim ol yet taim ol bikpela birua i kamap long ol distrik, provins na kantri.

Em i tok tu olsem helt sistem long PNG em i feil na salens i stap long wok bung wantaim long menesim hevi we i save stap yet.


Long sait bilong ol imejensi, Dokta Malau i mekim klia olsem i gat tupela level bilong ol imejensi long helt sistem insait long kantri. Wapela em ol bikpela imejensi olsem long taim bilong guria, graun i bruk, taitwara, solwara i solap na ol narapela we man yet i kamapim long en olsem wanpisin pait na ol kain olsem. Narapela em ol liklik imejensi i save kamap long olgeta de.

"Yumi i mas luksave olsem yumi i gat hevi insait long helt sistem bilong yumi na i no giaman olsem ol samting i stap orait, nogat. Ol samting i no stap orait."

"Mi laik tok olsem tu helt sistem long kantri i feil, moa yet long sait bilong givim gutpela imejensi sevis. Na salens nau em long ol sios, non gavman oge-nalsesen, ol narapela grup na yumi olgeta long wok bung gut wantaim gavman long kamapim sistem we bai sapatim ol haus sik long givim gutpela sevis long olgeta eria.

"Mi bilip olsem dispela hevi i stap long helt sistem na i save go het yet taim ol yia i ron em hevi long menesmen eria. Nogat gutpela menesmen sistem i stap," Dokta Malau i tok.

Long ol hevi i save kamap olgeta de i stap aninit long ol liklik imejensi,



Helt Sekreteri Dokta Clement Malau

Dokta Malau i tok wapela em long sot long ol dokta insait long ol haus sik long PNG na ol arapela sot moa olsem marasin, ol masin na ol narapela samting ol dokta na nes i yusim long helpim ol i karimaut ol wok bilong ol.

"Sot long ol dokta, askim bilong ol long kisim gutpela pe na planti ol arapela hevi na wari antap long em ol samting i stap insait long helt sistem bilong yumi. Yumi save olsem planti pipel i no sapos long dai i wok long dai bikos long i nogat ol inap dokta. Na sapos i gat ol dokta i wok i stap, i nogat wei long sekim wok ol i mekim, sapos em i kwaliti wok sevis o nogat. I gat planti pablik wari long dispela tu," Dokta Malau i tok.

Em i tok sampela haus sik olsem Vanimo insait long Sandaun na Hagen long Westen Hailans em ol i gutpela haus sik na ol i ron gut. Na ol inap long lukautim ol hevi tasol "Mi no inap long tok 100 pesen olsem Pot Mosbi Jenerel Haus Sik i redi long lukautim ol bikpela hevi bikos long menesmen na ol arapela hevi moa.

"Long Pot Mosbi Jenerel Haus Sik,

hevi i stap long menesmen. Dispela i no kamap nau tasol, nogat. Hevi i stap long planti yia long sait bilong plening, pasin we yumi yet i gat long en.

"Menesmen hevi em i nogat gutpela menesmen straksa, lejiletiv straksa bikos nogat pawa long wanem pawa i stap long haus sik bot. Dispela em ol hevi i save stap olgeta taim taim ol yia i ron," Dokta Malau i tok.

Em i tok tok tu long ol narapela hevi i stap long level bilong ol liklik imejensi insait long ol haus sik bilong yumi long kantri we i mekim na em i hat long wok hariap long stretim ol bikpela imejensi.

Namba wan em long nogat gutpela menesmen sistem. Namba tu em fainens.

"I mas gat rait baset plening we i save go long Treseri. Baset em yumi mas wokim beis long evidens o ol samting na eria we haus sik i yusim mani long em. Olsem helt sekreteri, mi no inap long stretim ol samting hariap, nogat. Yumi i mas stat long besiks ol ol samting we i sutim stret as bilong hevi. Olsem long i gat rait stendet, bikos sapos yumi no stretim dispela, bai hevi i go long kraisis level o go bikpela moa.

"Yumi i mas plenim gut na dispela i min olsem wokim plening gut long humen risos o ol woklain na helt kea long ol komyuniti, distrik i go antap long provinsel na nesenel level. Ol bikpela wok eria biloong stretim long kamapim gut wok long olgeta level em: disain o i gat gutpela wokplen, humen risos, ikwipmen na ol masin, komyuniti netwok, baset. Ol dispela i mas karamapim komyuniti helt pos long daunbilo level i go antap long ol helt senta na ol bikpela haus sik.

"Taim yumi i gat ol dispela long plen na straksa na ol i ron gut, yumi i ken fokus long ol eria we bikpela dai long kantri i kamap long ol. Em long daunim bikpela mak long ol mama i karim na ol pikinini i save dai olgeta yia. Yumi mas i gat haus sik, helt senta we ol mama i ken karim, ol pikinini i kiism banis sut na kisim marasin taim ol i sik.

"Positiv living o stap wantaim gutpela tingting we pipel i mas kisim ol gutpela helti kaikai na ol i klia tu long ol bagarap we pipia bilong main i kamapim i ken givim helt na ol narapela hevi long laip na sindaun bilong ol," Dokta Malau i tok.

Veronica Hatutasi  
i raitim

**N**UPELA Nesenel Helt Plen 2010 i go antap bai i kamap wantaim ol plen long ol modol bilong ol haus sik we i ken lukautim ol siklain long ol bikpela na liklik imejensi na ol arapela helt eria, helt sekreteri, Dokta Clement Malau i tok.

"Long ol provinsel haus sik (we i gat 19-pela long kantri), mipela i bilip olsem ol bai i gat olgeta besik sevis long helpim ol mama taim ol i gat hevi long taim bilong karim bebi, opretim o katim ol man i laikim dispela sevis, ol sik pikinini. Plen i stap tu long i gat ol imejensi plen long ol provinsel haus sik long lukautim ol siklain taim ol bikpela imejensi, bagarap o birua i kamap.

Aninit long nupela haus sik plen i stat long neks yia, bai senis i kamap long distrik, provinsel, nesenel na rijinel level long kamapim ggut ol haus sik na putim inap masin, ol woklain na marasin na stretim tu ol bagarap long ol bilding na ol bai inap long lukautim ol siklain i stap long ol liklik na bikpela imejensi.

"Ol distrik haus sik i mas gat inap ikwipmen, dokta na ol nes, helt woklain na marasin long opretim ol manmeri i bungim hevi long ol imejensi. O long helpim ol na sapos dispela level helt fasiliti i no inap, salim ol i go long bikpela haus sik," Dokta Malau i tok.

"Mipela i lukluk tu long gat ol speselis rijinel haus sik long kantri. Lae haus sik long Morobe bilong Momase rijen em i speselis haus sik tu bilong sik kensa lain. Hagen long Westen Hailans olsem rijinel haus sik bilong hailans rijen, Wapela long Is Nu Briten bilong Niugini Ailans rijen na wapela bilong Sauten rijen. Pot Mosbi Jenerel Haus Sik bai kisim nupela wok long kamap olsem nesenel riferel haus sik we ol siklain ol i no inap long helpim ol, em ol bai salim ol i kam na tu, kamap olsem tising haus sik. Wankain tu i kamap long Modilon haus sik long Madang," Dokta Malau i tok.

Wantaim 4-pela level bilong helt sevis, Nesenel Helt Plen stat long 2010 bai kamap wantaim ol modol bilong ol haus sik long kantri," Dokta Malau i tok.

Em i tok aninit long wokbung, patna na netwok sistem wantaim ol sios na NGO, ol i stat pinis long Nesenel Kapitel Distrik long traim rausim sampela hevi long wok na operesen bilong Pot Mosbi Jenerel Haus Sik.

Bai i gat 4-pela distrik haus sik long siti we mipela i hop long kisim ol imejensi tu i save kamap long olgeta de na rausim sampela hevi long Mosbi jenerel haus sik, 4-pela klinik we ol wok i stat pinis long kamap olsem ol distrik haus sik em, 9 Mail, Gerehu, Kaugere na Hanuabada. Mipela i gat bilip olsem ol dispela haus sik bai kisim ol imejen si keis na daunim pasin bilong pulapim Pot Mosbi Jenerel Haus Sik, na sotim ol marasin na woklain, Dokta Malau i tok.

Em i tok helt sistem insait long NCD bai bungim salens na tu, sanapim stendet.


Dokta Malau i tok olsem aninit long nupela senis, bai i gat supavais wok long mama i karim long imejensi keis long ol eben klinik.





**NUPELA KALA:** Namba wan bikpela han o brans bilong BSP long kantri, em long Pot Mosbi taun bran. Em i luk stail moa wantaim ol nupela kala bilong benk.


**KAM LUKIM:** Sif Eksekyutiv Opisa bilong BSP, Ian Clyne, i go pas long soim ol niusmanmeri na ol bikman long nupela pes na kala bilong BSP long kantri.



**NUPELA STAIL:** Ol wokmeri bilong BSP Taun i sanap stailim ol yet wantaim wanpela long tripela nupela kar ol i penim wantaim nupela kala bilong benk.



**I GAT KAR TU:** Kala bilong nupela BSP em i no bilong siot o singlis tasol. Nogat. Em i stap long ol kar tu. Ol dispela kar bai kamap olsem pablik toksave kar bilong BSP long autim tok bilong ol nupela sevis bai kamap long neks mun.



**AMAMAS:** Em nau, em nupela stail, na i mas gat nupela wok tingting tu. Ol wokmanmeri bilong Pot Mosbi BSP taun brans i amamas na lusim ol BSP balun i plai i go antap.



**LUK STAIL:** Pot Mosbi BSP taun brans nau em i stail moa wantaim ol nupela kala bilong ol. Ol arapela 'brans tu bai kamap wankain long dispela yia na i go.



**ATM TU I KAMAP:** Ol dispela wokmeri bilong BSP i sanap kisim poto long sait bilong ol nupela ATM o mani masin bilong benk.



**EM MIPELA YA:** Bosman bilong BSP Ian Clyne i amamas taim em i soim ol niusmanmeri long ol nupela stail ATM bilong ol. Insait long dispela yia inap i go neks yia, bai gat 200 ATM i stap long kantri. **OL POTO: NICKY BERNARD**



# Welkam

Mipela hamamas long yupela ikam long lukim dispela niupela senis long benk bilong yumi.

Bank South Pacific em nem yu save pinis na trastim. Mipela save olsem BSP ino olsem ol narapela benk.

BSP emi trupela benk bilong PNG, igat gutpela save lo South Pacific na i go pas lo halivim kantri bilong yumi.

Mipela hamamas long wok wantaim yu na tenkim yu long stap wantaim mipela.

Long dispela taim, mipela i mekim sampela senis long benk long halivim yu long kisim gutpela sevis.


Mipela laikim bai yu luk save long ol dispela niupela senis na kolim mipela lo niupela nem, em BSP.

BSP em i nem yupela i bin givim pinis, em i nem olgeta man na meri i save kolim benk bilong yumi.

Mipela hamamas long toksave olsem bai mipela nau yusim dispela nem BSP.

BSP i laik lukautim laif bilong yu long nau na bihain taim.

BSP em benk bilong yu.



# BSP

benk bilong yu

[www.bsp.com.pg](http://www.bsp.com.pg)



# WOL HELT DE

"SEVIM OL LAIP - MEKIM OL HAUS SIK I SEIF LONG TAIM BILONG OL IMEJENSI"

## I mas gat gutpela wokbung namel long helt dipatmen na ol disasta ejensi

Veronica Hatutasi i raitim

**N**AU yet, i nogat gutpela "link up" o nesenel kodinesen namel long Nesenel disasta na pablik helt long lukautim ol manmeri taim i kamap long kantri, helt sekreteri, Dokta Clement Malau i tok.

Em i tok ol bikpela hevi i save kamap long kantri em Nesenel Disasta na Imejensi Sevis (NDES) i save go pas long em.

Ol bikpela hevi em "trauma" o hevi na wari ol manmeri i gat bikos birua i ka map hariap wantaim nogat tok lukaut na bikpela bagarap na dai i kamap na tu, ol i lusim olgeta samting. Ples i bagarap, pipel i lusim ol haus na ol i mas go stap long nupela hap, pipel i kisim ol infeksi o sik olsem pekpekim blut, pekpek wara, strongpela kus na kol, kolera na moa, sik, ol nupela sik olsem sik bilong ol pisin na ebola.

"Long ol bikpela imejensi, NDES i go pas long ol wok. Tasol wok i no

ron olsem em i sapos long go bikos i nogat strongpela link namel long NDES na pablik helt sistem. Dispela em bikos long nogat gutpela inta ejensi kodinesen sistem," Dokta Malau i tok.

Ol gavman ejensi we i mas wok bung wantaim helt sistem bilong PNG long taim bilong ol bikpela hevi em Nesenel Agrikalsa Kwarantn Ejensi (NAQIA), Dipatmen bilong Agrikalsa na Laipstok (DAL), Provinsel na Lokol Level gavman, ol sentrel gavman ejensi olsem Fainens, Treseri, Plening, Pesenel menesmen, Praim Ministas, Difens na Polis Fos.

Dokta Malau i tok ol lo na polisi ol i kamapim long ol hevi i sut long ol bikpela imejensi i mas bihainim ol wok bung na luksave kantri i gat wantaim ol patna kantri we i serim boda wantaim PNG. Em long Indonesia, Solomon Ailans, Palau na Australia.

"I nogat gutpela nesenel kodinesen na yumi i mas kamapim gut rot

we yumi mas mekim wok long ansa hariap long helpim ol lain i bungim ol birua, bagarap na ol hevi. PNG helt sistem i gat gutpela VHF redio netwok sistem we ol i save salim ol tok save tai mol ol bikpela na liklik hevi i kamap," Dokta Malau i tok.

Wantaim samting olsem 2,000 VHF redio long ol haus sik, helt senta na etpos long kantri, PNG i gat bikpela moa helt redio netwok insait long sauten hemisfia, Dokta Malau i tok. Tasol bikpela samting em hevi long mani bilong stretim taim netwok i bungim hevi. AusAID i givim mani long sanapim dispela VHF redio netwok sistem.

"Nau strèt, ol samting we PNG helt sistem i nogat tasol em i mas mekim long redim em yet long ol bikpela na liklik hevi em: nogat "evidence based baset". Aninit long evidens beis baset, bai i gat plen long imejensi, i mas gat ol fans o mani, gat plen pastaim bipo ol hevi na birua i kamap na i gat medikel sevis stendet," Dokta Malau i tok.

## Senisim pasin na daunim ol birua na hevi

Sekreteri i no wanbel long K50 penalti fi

Veronica Hatutasi i raitim

**S**ENISIM pasin na laipstail na kisim ol gutpela helti kaikai em si wanpela rot long daunim ol hevi long helt sistem na imejensi keis long dispela kantri, helt sekreteri, Dokta Clement Malau i tok.


Planti hevi long haus sik i karamapim sot long ol marasin, wok i kilim ol dokta na nes long sait bilong ol imejensi em long ol hevi we yumi yet i kamapim, tasol yumi i ken stopim long kamap.

"Pipel i mas senisim pasin na amamasim gut laip. Kaikaim ol gutpela helti kaikai long abrusim ol laipstail sik. Noken dring na draivim kar bikos dispela i kamapim birua. Noken paitim na kamapim bagarap long ol meri," Dokta Malau i tok.

Wantok Niuspepa i askim Dokta Malau long givim tingting bilong em long K50 penalti fi sas ol haus sik i putim long ol lain i kisim birua long dring spak, pait nabaut na katim wanpela nara-pela na ol meri we ol man i paitim ol na kisim bagarap long bodi we ol i mas kisim marasin.

"I gat planti askim long etikel sait o long sait bilong samting yumi mekim em i stretpela o nogat. Dispela penalti fi i stap na ol haus sik i bihainim na go hetim. Tasol long tingting bilong mi yet, mi ting em i no stret. Dispela em bikos yumi laik sevim laip tasol long sampela taim, dispela penalti i ken kamapim moa hevi na dai taim sik manmeri o lain i kisim bagarap i wetim long peim K50 penalti fi.

"Mi ting dispela "yusa fi polisi" i no gutpela polisi, moa yet long PNG," Dokta Malau i tok.



2008 i lukim bikpela King Tide i kamap long ol hap long kantri. Planti lain i bin bungim bikpela hevi long dispela taim.





# WOL HELT DE

“SEVIM OL LAIP - MEKIM OL HAUS SIK I SEIF LONG TAIM BILONG OL IMEJENSI”

## Angola – Nogat gutpela banis i ken daunim strong bilong haus sik



LONG 2005, strongpela sik Lfiva ol i kolim Marburg hemorajik five i bin bruk. Ol strong bilong ol manmeri long dispela sik i bin bikpela tumas.

Tasol bikpela moa hevi yet i bin kamap taim ol haus sik bilong ol i nogat gutpela banis, na dispela sik nogut i bin kalap i go long ol helt sevis wokmanmeri.

Moa long 200 manmeri i bin dai long taun Uige. Bikpela haus sik na sampela ol liklik helt senta i no bin gat gutpela banis, na ol i mekim dispela sik i go bikpela moa.

Sampela ol helt ke wokman

i dai na ol arapela sikmanmeri long haus sik tu i kisim dispela sik na ol i dai. Samting olsem 16 helt ke wokmanmeri i stap namel long ol lain i dai.

Bikos i no bin gat gutpela rot bilong bihainim na strongim banis bilong haus sik, long ol kain sik nogut olsem, em i givim bikpela salens long haus sik, na ol i no inap winim dispela sik.

Ol intanesenel ogenaisesen i bin givim sapot long helpim haus sik i bungim gut dispela kain hevi. Ol helt wokman husat i no bin bihainim gut wok pasin, na husat i bin tritim

ol manmeri wantaim dispela sik i bin kisim dispela sik tu. Em nau sik i kalap long ol helt wokmanmeri, i go long ol hauslain bilong ol, long taim bilong matmat o taim wara bilong ol daiman i pas long skin bilong ol.

Long daunim diuspela sik, ol strongpela banis tru i bin kamap long stopim dispela sik binatang long go long ol helt klinik na haus sik. Ol dispela em olsem pasin bilong rausim ol sikmanmeri i gat dispela sik i stap ol yet. Na tu, ol wokmanmeri i mas werim ol strongpela banis klos bai ol i no inap kisim dispela sik nogut.

Ol i lukim ol manmeri bilong haus sik i lainim mobeta rot bilong rausim ol pipia bilong ol sik manmeri.

Ol arapela wok i lukluk moa long givim moa trening long ol helt wokmanmeri, ol komyuniti midwaif na ol tumbuna bus dokta. Ol i skulim ol long bihainim gut sindaun bilong ol sikmanmeri ol i tritim.

Ol tim bilong haus sik i go long painim ol stori long sik, kisim ol tes long glasim sik, kisim ol sikmanmeri na pikinini i go stap long haus sik na kisim marasin pastaim. Bikpela wok i bin go pas long strongim bilip bilong ol pipel pastaim long ol helt wokmanmeri i go mekim wok bilong ol.



## Meksiko

– Guria senisim tingting long gat banis



LONG 1985, wanpela Lbikpela guria i bin amarim Meksiko Siti. Em nau tingting bilong ol i klia long redim ol yet gut long ol hevi olsem.

Dispela guria, em strong bilong em inapim 8.2. Em i kilim 10,000 manmeri na bagarapim tru Meksiko siti. Faiwpela bikpela haus sik i bin pun-


daun. Samting olsem 561 manmeri i bin dai long Juarez Haus sik.

Planti manmeri insait long komyuniti i bin luk-save olsem ol i mas stap redi oltaim long taim nogut i kamap. Wanpela we Meksiko i go pas long mekim dispela wok em ol i bihainim lo kos Haus sik Sefti Indeks. Dispela i

save helpim ol kantri long yusim ol stori long ol haus sik bilong ol long kisim tok orait, olsem haus sik bilong ol i strongpela. Meksiko i yusim dispela indeks long moa long 100 helt ples na plen long yusim long moa long 1000 hai risk fasiliti long redim ol yet long kain hevi olsem gen.

## Haiti

– Haus sik i kirap bihain long birua bilong raun win




Bikpela raunwin birua we i bin bagarapim tru ples Haiti long 2008 i bin bikpela tru. Tripela bikpela raun win ol i kolim ol Ike, Gustav na Hannah. Olgeta i paitim kantri Haiti long tupela mun olgeta. Moa long 800 pipel i dai na planti ol bikpela infrastraksa i bin bagarap. Siti gonaives em i wanpela

ol ples i bagarap moa long ol arapela. Bikpela Providence Haus sik bilong em i save lukautim inap long 175 manmeri i bin bagarap olgeta. Dispela wanpela bikpela haus sik i bin lukautim moa long 1.8 milian pipel i stap klostu long Gonaives. Long bekim dispela hevi, Ministri bilong

Helt na WHO i wok daunim ol dispela kain hevi long bihain taim. Ol ples i sindaun antap liklik long graun, em ol i makim pinis bai ol i sanapim bek dispela haus sik long hap. Sapos em i orait, em bai ol i wok strong long mekim em i kamap wanpela seif haus sik.

## Somalia

– Maski birua i stap, ol i strongim helt ke sistem



Maski ol i bungim planti hevi long kantri bilong ol, na ol i gat planti ol lain turangu, ol Somali i strong yet na ol i sanapim wanpela gutpela helt sistem we inap lukautim planti tausen manmeri.

“Bikos i gat planti helpim i kam long komyuniti, na bikpela wok ol NGO i mekim, ol i go pas long givim helt ke sevis long Somalia,” Dokta Mohamed M Ali, opisa i go pas long opis bilong WHO long Mogadishu i tok.

Praimeri helt ke i save strongim wok bilong givim

helt sevis long ol liklik distrik long Somali. Ol i bihainim tasol strong bilong ol helt senta long lokal level. Sampela hap, ol helpim i no go long en, tasol ol asples ogenaisesen yet i kirap na lukautim gut ol helt ke senta olsem ol ples bilong kirapim ol banis sut program bilong ol. Olsem, moa long 10,000 manmeri long kantri, em ol komyuniti manmeri tu, i mekim ol banis sut kempen. Tasol ol polio opisa ol i save kari-maut narapela bikpela helt sevis, olsem givim ol vaita-


min A marasin bilong ol pikinini, marasin bilong rausim snek long bel na bungim ol stori na namba bilong ol kain kain sik na ol arapela helt infomesen.

“I gat luksave i stap pinis long komyuniti i mas lukautim helt ke long Somalia. Bihain long olgeta ol bikpela helt opis na haus sik i bagarap, komyuniti i karim hevio na nau ol i laik banisim,” Dokta Ali i tok. “Sivil sosaiti em i bikpela laik long mekim wok, lukautim na ol wokmanmeri i gat bikpela luk-save long komyuniti tu.”



# WORLD HEALTH DAY

## Prime Minister's Message



World Health Day falls on April 7 each year. Since its' inception, the World health Organization has used this day to create awareness on a specific health area of concern. This year's theme is 'Save lives! Make hospitals safe in emergencies which also covers the 2008-2009 World Disaster Reduction Campaign on Hospitals.

During disasters, health facilities are often destroyed or damaged among other properties, making the task of rescue and saving lives more challenging.

In PNG we are also prone to natural disasters, having already experienced disasters ranging from volcanic eruptions to earthquakes, tsunamis, cyclones, landslides and king tides.

It is therefore vital that as a nation, we adequately prepare ourselves for such calamities. That way, we will be better equipped to deal with them when they occur.

Disaster preparedness is not only about the physical environment; it is about preparing our human resources to deal with the issues. This includes training our aid post orderlies and community health workers in the rural areas to doctors and nurses in urban areas; preparedness is paramount.

My government believes in delivering basic health services to our people. We have given increased annual budgetary support to the Health department, including additional funds for hospital management.

We also need the support of the private sector and non government organizations.

I encourage all our hospitals to be involved in the 'Safe Hospital' initiative.


Disaster preparedness should be a concern for all sectors of society. Ensuring hospitals and health facilities are functional during and after a disaster or emergency is the overriding theme of this campaign.

Let's join hands in this campaign to make our hospitals and health facilities safer during disasters; we would go a long way in achieving our one common goal - saving lives and improving the livelihood of our people.

**M T SOMARE, GCL GCMG CH CF KStJ**  
**Prime Minister**



**PEN PREN**



Salim i kam long:  
P.O. Box 1982  
Boroko, NCD  
Papua New Guinea

**NEM:** Burke Adai  
**KRISMAS:** 23 (man)  
**ADRES:** C/-Yamar Arawasi, P.O. Box 7594, Boroko, NCD  
**SAVE LAIKIM:** Go lotu, ritim buk na harim musik.

**NEM:** Paul Angima  
**KRISMAS:** 17 (man)  
**ADRES:** DODL, P.O. Box 380, Mt Hagen, WHP  
**SAVE LAIKIM:** Pilai volibol, ritim buk na go lotu.

**NEM:** Mike Peira Wan  
**KRISMAS:** 20 (man)  
**ADRES:** DODL, P.O. Box 380, Mt Hagen, WHP  
**SAVE LAIKIM:** Ritim buk, raun raun na waswas long solwara.

**NEM:** Samson Yapsman  
**KRISMAS:** 16 (man)  
**ADRES:** DODL, P.O. Box 380, Mt Hagen, WHP  
**SAVE LAIKIM:** Harim musik, ritim buk, pilai soka na raitim pas.

**NEM:** Agu Tais Temo  
**KRISMAS:** 17 (man)  
**ADRES:** DODL, P.O. Box 380, Mt Hagen, WHP  
**SAVE LAIKIM:** Pilai ragbi, go lotu na ritim buk.

**NEM:** Josefa Sai  
**KRISMAS:** 16 (meri)  
**ADRES:** C/- Diocese of Aitape, P.O. Box 179, Aitapem Sandaun Province  
**SAVE LAIKIM:** Pilai basketbol, pilai soka, pilai ragbi tas, go lotu na raitim pas.

**NEM:** Gideon Karis  
**KRISMAS:** 17 (man)  
**ADRES:** C/- Tumai Farming, P.O. Box 489, Madang Province  
**SAVE LAIKIM:** Mekim pren, harim musik, stori na ritim buk.

**NEM:** Francis Ipan  
**KRISMAS:** 17 (man)  
**ADRES:** C/- Tumai Farming, P.O. Box 489, Madang Province  
**SAVE LAIKIM:** Lukim TV, raitim pas na ritim buk.

**NEM:** Saun Nipson  
**KRISMAS:** 17 (man)  
**ADRES:** C/- Tumai Farming, P.O. Box 489, Madang Province  
**SAVE LAIKIM:** Pilai soka, volibol, harim musik na raitim pas

**NEM:** Terence Mathew  
**KRISMAS:** 17 (man)  
**ADRES:** Ohu Primary School, P.O. Box 169, Madang Province  
**SAVE LAIKIM:** Pilai soka, go lotu, pilai gita, raitim pas na mekim pren.


**Raun wantaim Kanage olgeta wik**

**Prison Break**

Wanpela apinun, Kanage kirap kisim ol DVD na go salim ol long Renbo maket. Em wok long singaut, "K10 DVD! K10 DVD! Em wokim dispela i go i go na em les. Ol manmeri i no harim tok bilong em. Ol wok long abrusim em tasol. Kanage putim Prison Break long fran na singaut gen, "K10 Prison Break 5, Prison Break 5". Em singaut go na em les. Em laik sindaun stret na malolo na wanpela meri wokabout kam stret long ai bilong em. Oloman. Hariap tru em laik tok "K10 Prison Break 5 i stap" na em paul na tok, "Oi susa, PRISON ESCAPE 5 stap."

Meri i paul na tokim Kanage, "Paul paul stap. PRISON ESCAPE bilong yu yet long Bomana."

Besta  
Mosbi Siti



Wina bilong dispela wik Kanage em: Besta - Mosbi Siti  
Ring long telepon namba 325 2500 na askim Allan Tolire long prais bilong yu!

**Kas Pes**

Kanage wanpela lapun man. Skul holide na ol pikinini i wok long pilai kas wantaim loli. Husat i win bai winim ol loli. Kanage lukim olsem na em kirap na kisim K5 koin bilong em na tokim ol pikinini, "Ol pikinini, yumi pilai kasman. Tasol ol tokim Kanage, mipela nogat man. Mipela i gat loli tasol. Kanage tingting go na em tok, "Em orait, bai mi bet mani na yupela bet loli." Ol pikinini amamas long dispela na ol tok orait long pilai. Yu save Kanage tu wanpela kas pes man na em tingting, hahaha, bai mi winim ol na salim loli long ol arapela pikinini long baim.

Ol i pilai go na Kanage wok long win stap na ol pikinini belhat long em. Wanpela pikinini tok, "Bubu Kanage, maski ya, yu lapun na giaminim mipela stap. Karim mani bilong yu na go." Kanage harim na

bekim, "Aiyo...was yo maus. If i put it to your maus, yu kaikai the kas laik yu kaikai da loli." Dispela pikinini i kra i na go long mama bilong em na tokim em olsem Kanage tok nogutim em. Mama bikmaus, na tokim Kanage long raus. Tasol Kanage kirap na tokim mama, "Hey mai swit pai. Don't get it to the fire to me...I laik it to da fikinini to kas kas. Yu mek it and nau I lus it ma mani to the fikinini. I laik it yu klos yu bikmaus o els i kam to da dea and brek it." Em laik kirap na laptap lus. O sori, ol mangi lukim em na lap na tokim em, Bubu Kanage, taia bilong yu flet nogut tru. Bai yu ron go long mama olsem wanem...em bai yu bruk olgeta ya.

Veksii  
GHU

**Ark**

Kanage em wanpela lotu man. Em bilong ples Rabaraba long Alotau. Em save lotu na tokim ol manmeri long tanim bel na harim tok bilong Bikpela. Wanpela nat, em driman olsem dispela tokim em long wokim traipela bot. Em wokim dispela bot go na ol manmeri paul olgeta.

Em askim ol long helpim em na tu long lotu, tasol ol lap tasol na tokim Kanage olsem, Eeewa...my barada...det wan hau? Yu mek it da bot fo da who to kam? Kanage i strongim bilip bilong em na tokim olsem bikpela ren bai pundaun na ol manmeri i mas bilip nau na helpim long kamapim traipela bot. Tasol ol i lap tasol na wokabout i go.

Sampela mun i pinis, na bot tu i pinis na traipela ren pundaun nogut stret. Kanage kirap kisim olgeta animol na putim ol insait long bot na em i laik pasin dua na ol manmeri i singaut, "Kanage, Kanage, our barada plis open da doa and let da pipol kam insait."

Kanage bekim "Eewa...mai pipolo. Ol da taim I tel it to yu pipol, tapalolo, tapalolo. I mek it da bot and yu laugh to me. Nau da big ren is kamin and I laik klos da door and yu want to kam insait to my bot.

Soli mai pipolo...I will close the door now. Yu did no listen to me and I tel yu to tapalolo, tapalolo. Yu fil it ah."

Kedewa  
GHU 3B

Salim gutpela Kanage tok pilai na winim wanpela Kanage T-siot - P.O. Box 1982, Boroko NCD

**Painim Tok!**

Raitim daun wanem pani samting yu ting i gutpela insait long babol long potu...



Raitim daun wanem samting yu ting em pani na gutpela na salim i kam. Bai yu winim prais,  
Nem.....Krismas.....  
Adres.....  
Yu baim pepa long we?.....  
Painim Rok resis - P.o. Box 1982, Boroko NCD.

**Painim Tok!**

Raitim daun wanem pani samting yu ting i gutpela insait long babol long potu



Brata,  
Yu sanapim kendol bilong yu olsem wanem? Blo mi ino sanap yah!

Kisim kam, bai mi soim yu, lukim! Kendol bilong mi i no pundaun!

Wina bilong bilong dispela resis em:  
**SIMEON ONAGA**  
P.O. BOX 620, POPONDETTA  
Ring i kam long 325 2500 na askim long Allan Tolire long prais bilong yu!

Katim hia







R	A	B	A	U	L	H	E	K	A	L	I	P	W	K	I	V
J	P	V	P	R	O	A	S	E	G	Y	E	R	E	H	J	U
R	W	L	U	E	K	E	S	T	Y	B	R	R	C	N	C	N
E	A	U	F	N	L	P	I	S	K	S	E	P	Y	S	A	A
U	T	J	U	S	A	G	A	E	U	V	I	G	U	M	A	M
K	O	R	T	T	D	K	A	M	A	L	E	W	Z	G	I	A
M	M	T	V	D	R	T	A	T	U	I	O	R	A	L	E	M
N	L	F	J	W	X	E	R	B	O	L	I	A	I	K	D	I
D	U	K	O	V	Y	O	K	R	I	L	G	M	A	I	B	U
O	Y	P	L	E	J	G	D	S	E	N	Y	O	M	I	L	A
P	K	A	B	A	N	G	A	K	A	M	S	T	U	K	E	R
F	T	L	R	I	R	U	I	B	T	E	S	Y	K	I	N	W
D	O	T	N	H	E	R	A	E	B	P	K	T	A	V	U	I
S	L	I	V	L	D	L	E	N	D	G	O	L	A	D	R	O
R	A	T	T	O	A	K	E	M	R	E	Y	A	L	O	M	O
B	J	F	R	M	S	P	T	R	E	S	T	Y	A	K	L	A
K	O	K	O	P	O	L	O	L	A	M	L	A	M	L	A	P

R	A	B	A	U	L	H	E	K	A	L	I	P	W	K	I	V				
L	A	S	S	U	L	K	A	L	I	P	M	I	L	I	M	G	U	M	A	M
W	A	T	O	M	D	U	K	O	V	Y	O	K	P	A	L	M	A	L	M	A
M	A	L	A	A	K	U	M	A	B	A	I	N	G	K	A	B	A	N	G	A
Y	A	L	O	M	T	A	V	U	I	V	U	N	A	M	A	R	I	T	A	
R	A	K	A	N	D	A	M	A	L	B	A	N	G	A						

	9			2																
			2					6	8	5	7									
			7	4	8				1											
4	5							1	6	3										
3	7	6							5	2	1									
		2	1	5							7	4								
			4					1	2	3										
7	1	5	3						2											
								5												1

PAINIM NEM bilong las isu...

K	A	V	I	N	S	O	O	A	N	A	R	E	T	E	M
L	A	B	I	N	O	N	O	P	A	I	O	R	A	B	
U	E	E	E	E	M	E	T	L	I	K	N	G			
T	F	N	K	A	M	S	A								
A	U	I			N	M									
P					A	O									
A					I	I									
L	S														
U	A	V	I	A	W	A	L	A	G	N	A	F	A		
M	R	L				B	D	S							
O	S	U	O			A	A	O							
U	U	R	O			N	M	K							
A	S					F	O								
M	A	N	S	A	I	V									
T	P	A	R	V	A	I	U	A	M	U	R	U	K	A	L

6	1	7	5	8	3	2	4	9												
9	5	2	4	6	1	3	7	8												
4	8	7	9	2	6	5	1													
1	7	6	2	5	4	9	8	3												
8	4	5	1	7	9	6	2	6												
5	2	9	8	3	6	4	1	7												
7	6	1	9	4	5	8	3	2												
3	8	5	6	2	7	1	9	4												
2	9	4	3	1	8	7	6	5												

SUDOKU bilong las wik isu...

TORO

TORO SAVE RAIN I GO LONG RENBO MAKET NA GO STRET LONG HAP WE OL TARI SAVE SALIM LEMPLEPS...

LONG HAP EM BAIM WANPELA BIKPELA KS LEMPLEPS NA WOKABAUT NA KAIKAI ISI ISI IGO LONG HAUS...

EM INO SAVE OLSEM OL GETA DOK BILONG STRIT I BIHAINIM EM LONG SMEL BILONG LEMPLEPS.

TORO EM GRIDI STRET... EM KAIKAI OL BUN WANTAIM NA TOK TENKIU LONG OL DOK LONG ESKOTIM EM IGO LONG HAUS... NOGAT, OL I KIRAP NA RONIM EM... AAAH! GO PAIINIM LEMPLEPS BILONG WYPELA YET!!

BIABIA

BIABIA HOSTIM WANPELA PATI NA SALIM INVITISEN IGO LONG GEST BILONG EM...

EM TOKIM TAIPIB BILONG EM LONG TAIPIB INVITISEN IGO LONG OL GEST LONG HOLIDE INN...

LONG DE BILONG PATI OLGETA GEST I GO LONG HAIDAWE HOTEL NA WET I SEAP...

BIABIA TASOL IGO LONG HOLIDE INN NA WETIM OL GEST LONG HAP...

BAI MI HOSTIM WANPELA PATI NA SINGAUTIM OLGETA BIKAIAN I KAM NA TOKIM OL OLSEM MI SANAP LONG ILEKSEN...

SALIM INVITISEN LONG OLGETA BIG KLAIENTS LONG HOLIDE INN PATI MI BAI HOSTIM.

YES BOSS!

TAIPIB I ABRUS NA TAIPIB HAIDAWE HOTEL...

MI SPENDIM KID,000 LONG HOSTIM PATI NA NOGAT WANPELA I KAM! OL IGO WE!

KANAGE

PIKININI BILONG KANAGE LUKIM TRAPELA MORAN NA SINGAUT LONG KANAGE LONG KAM KILIM...

WANTI KANAGE KISIM WANPELA DRAH NA MALAMALA TRAWID NA REN IGO LONG KILIM... EM APIM PAIINIM LONG KILIM SNEK TASOL NOGAT, PAIINIM I DRAK NATING TANA EM APIM NA HAP TASOL IGO DRAH NA ADRUS SNEK LONG SNEK...

LONG SEM TAIM PIKININI BILONG KANAGE ISI TASOL GO LONG BANGAT NA PINSIM LUK BILONG KANAGE...

KANAGE TING HARAPELA SNEK I KAM NA KAIKAI EM LONG BANGAT NA EM BIKMAN NA KALAP WANTAIM NA TEK-OFF...

PAPA, PAPA! TRAPELA SNEK LONG HAPYA!

SNEK! WEZ?

DAH!!

AAHHH! PAIINIM!

BEKIM OL DISPELA ASKIM...

1. Em fleg bilong wanem kantri?

2. Dispela em wanem kain mak long tok-ples Siapan?

Ol bekim: 1. Fleg bilong Australia 2. Mak bilong ren.

TOKWIN.....

Snek em snek

Las wik Sarere long Mosbi wanpela famili i lukim wanpela snek ausait long haus bilong ol. Papa bilong haus i save pret tru long ol snek. Maski ol narapela famili i tok noken kilim dispela snek, em i no posin snek, papa i tok, "Kilim, kilim. Posin o nogat. Biknem em snek."

'Lae' i bagarap

Wanpela papa long Madang i save pilai wantaim ol liklik pikinini bilong em olgeta apinun. Ol i save pilai ol gem we ol bai kisim ol liklik toi kar na giman ronim ol i go long wanpela hap bilong haus i go long narapela na i tingting olsem ol i wok long ron long Madang i go long Lae.

Taim ol i save kamap long 'Lae' ol i save painim ples bilong kuk; kaikai, pispis, pekpek, waswas na slip. Tasol long Tunde nait taim papa na ol pikinini i wok long pilai dispela gem i stap, wanpela pikinini laik go giman pispis na pekpek, nogat, tru tru em mekim. Oloman. 'Lae' i bagarap.

Ista 'malolo'

Wanpela fada man long Mosbi i stap isi tru long Sarere Ista brek. Em i ting lika ban yet na i no tingting long baim fevaret dak ram dring bilong em. I go apinun long taim long go lotu na narapela poro i bungim em na tok lika sop i op na ol man i spak raun i stap. Fadaman i kirap singaut, aiyu, mi ting lika ban yet na mi stap isi tru. Nau mi laik go lotu na yu kam tok olsem!

EM TV TV GAID

MONDAY, 20 APRIL 2009

5.00AM	G	JOYCE MEYER Religious Program
5.30AM	G	TODAY
9.00AM	G	EMTV PRIME TIME LINE UP CLASSROOM BROADCAST
9.30am		Grade 7 - Mathematics
10.20am		Grade 7 - Science
11.10am		Grade 8 - Mathematics
12noon		Grade 8 - Science
1.00pm		Grade 6 - Personal Development
1.50pm		Grade 7 - Making A Living
2.30pm		Teacher Training & DEPI Program
2.59PM		STATION OPEN KIDS KONA
3.00PM	G	NEW MACDONALD'S FARM
4.00PM	G	SUPER LEAGUE
5.30PM	G	HUDDERSFIELD GIANTS v LEEDS RHINOS
5.30PM	G	WHO WANTS TO BE A MILLIONAIRE - HOT SEAT "SERIES PREMIERE"
5.55PM	G	CRIME STOPPERS
6.00PM	G	NATIONAL EMTV NEWS
6.30PM	G	A CURRENT AFFAIR
7.00PM	G	TOK PIKSA
7.30PM	PG	SEA PATROL (NEW SERIES) - Sea Patrol 3: Red Gold
8.27PM		EMTV TOK SAVE

8.30PM	G	KINGAL MINISTRIES: "Anointed to Crossover" - Religious program
9.00PM	G	MONDAY NIGHT FOOTBALL: WESTS TIGERS v STORM
11.00PM	G	NATIONAL EMTV NEWS REPLAY
11.30PM		Australia Network
TUESDAY, 21 APRIL 2009		
5.00AM	G	JOYCE MEYER Religious program
5.30AM	G	TODAY
9.00AM	G	EMTV PRIME TIME LINE UP CLASSROOM BROADCAST
9.30am		Grade 7 - Mathematics
10.20am		Grade 7 - Science
11.10am		Grade 8 - Mathematics
12noon		Grade 8 - Science
1.00pm		Grade 6 - Personal Development
1.50pm		Grade 7 - Making A Living
2.30pm		Teacher Training & DEPI Program
2.59PM		STATION OPEN KIDS KONA
3.00PM	G	NEW MACDONALD'S FARM
3.30PM	G	THE KINGDOM OF PARAMITHI
4.00PM	G	SHARKY'S FRIENDS
4.30PM	G	LAB RATS CHALLENGE

4.57PM	G	EMTV TOK SAVE
5.00PM	G	THE SHAK
5.29PM	G	EMTV NEWS UPDATE
5.30PM	G	WHO WANTS TO BE A MILLIONAIRE - HOT SEAT
6.00PM	G	NATIONAL EMTV NEWS
6.30PM	G	A CURRENT AFFAIR
6.57PM	G	NEWS UPDATE IN TOK PISIN
7.00PM	G	HAUS & HOME
7.57PM		EMTV TOK SAVE
8.00PM	PG	THE FARMER WANTS A WIFE - (2-hour series finale)
10.00PM	M	ENCORE PRESENTATION: UNDERBELLY: A Tale of Two Cities
11.00PM	G	EMTV NEWS REPLAY
11.30PM		Australia Network
WEDNESDAY, 22 APRIL 2009		
5.00AM	G	JOYCE MEYER Religious Program
5.30AM	G	TODAY
9.00AM	G	EMTV PRIME TIME LINE UP CLASSROOM BROADCAST
9.30am		Grade 7 - Mathematics
10.20am		Grade 7 - Science
11.10am		Grade 8 - Mathematics
12noon		Grade 8 - Science
1.00pm		Grade 6 - Personal Development
1.50pm		Grade 7 - Making A Living
2.30pm		Teacher Training & DEPI Program

2.59PM		STATION OPEN KIDS KONA
3.00PM	G	G2G: GOT TO GO
3.30PM	G	THE KINGDOM OF PARAMITHI
4.00PM	G	SHARKY'S FRIENDS
4.30PM	G	LAB RATS CHALLENGE
4.57PM	G	EMTV TOK SAVE
5.00PM	G	THE SHAK
5.29PM	G	EMTV NEWS UPDATE
5.50PM	G	WHO WANTS TO BE A MILLIONAIRE - HOT SEAT
5.55PM	G	CRIME STOPPERS
6.00PM	G	NATIONAL EMTV NEWS
6.30PM	G	A CURRENT AFFAIR
6.57PM	G	NEWS UPDATE IN TOK PISIN
7.00PM	G	THE WORLD AROUND US: FACING THE CHALLENGES OF GLOBAL WARMING - Produced by the Japan Broadcasting Corporation, the documentary highlights the issue of global warming. It includes interviews with prominent world leaders including Dr. Rajendra Pachauri, Chairman of the United Nations International Governmental Panel on Climate Change, who calls for urgent action to stop global warming of the earth.
7.59PM		EMTV TOK SAVE

8.00PM	M	WEDNESDAY NIGHT MOVIE: MANSFIELD PARK (1999) Comedy/Drama - At 10, Fanny Price, a poor relation, goes to live at Mansfield Park, the estate of her aunt's husband, Sir Thomas. Clever, studious, and a writer with an ironic, imagination and fine moral compass, she becomes especially close to Edmund, Thomas's younger son. Fanny is soon possessed of beauty as well as a keen mind and comes to the attention of a neighbour Henry Crawford. Thomas promotes this match, but to his displeasure asking Henry to prove himself has a mind of her own, worthy. As Edmund courts Henry's sister and as light shines on the link between Thomas's fortunes and New World slavery and assert her heart as well as her wit. Stars: Hannah Taylor-Gordon, James Purefoy, Harold Pinner.
10.00PM	G	JACK OF ALL TRADES (series final)
10.30PM	G	NATIONAL EMTV NEWS REPLAY
11.00PM		Australia Network





**TINGIM KRAIS:** Matthew Johnson, em i putim klos olsem Jisas na karim kruse. Em i mekim dispela long makim Ista na tingim hevi bilong Krai. Dispela ekt em ol sumatin bilong Wesley Misin Institut i mekim. Planti handret manmeri i bin lukluk bihainim dispela long Sidni (Sydney), Australia. (AAP Poto/Dean Lewins)



**OL I RAUSIM MI:** Biknem niusman bilong ABC Televisen, Sean Dorney, husat i save ripot long Pasifik, i kamap long Sidni Intanesenel Ples Balus, Australia, bihain long gavman bilong Fiji i rausim em long Tunde dispela wik. Ol i rausim Dorney bihain long wanpela nius ripot em i mekim long hevi i stap nau long Fiji. (AAP Image/Dean Lewins)

# FARE SALE!

Don't miss out on these fantastic one way fares to your favourite domestic destinations!

<b>ALOTAU</b> K205 One way from Port Moresby	<b>BUKA</b> K368 One way from Port Moresby	<b>POPONDETTA</b> K203 One way from Port Moresby
<b>HOSKINS</b> K272 One way from Port Moresby	<b>TABUBIL</b> K403 One way from Port Moresby	
<b>MANUS</b> K321 One way from Port Moresby	<b>MADANG</b> K261 One way from Port Moresby	<b>RABAUL</b> K318 One way from Port Moresby


**Sale**  
COMMENCES  
14th April and  
ends 28th April!

Book now! Call toll free now on 180 3444 or contact your nearest Air Niugini Travel Center or Travel Agent to secure your flight! Sale applies to all Air Niugini domestic routes. For travel from 14th April to 31st May 2009. Fares are inclusive of taxes and surcharges. Be quick, offer ends 28th April!



## Air Niugini

\*Conditions Apply




**SMAIL YA:** Dispela liklik man si laion, nem bilong em Kanji. Em i wanpela man bilong smail-na kism poto stret. Long dispela poto, Kanji i lukim wanpela yangpela meri Siapan (Japan) i kism poto na em tu i smail long stap insait long poto. Kanji i save stap long Kamogawa Si Wol long Tokyo, Siapan. (AP Poto i kam long AAP Images/Itsuo Inouye)

0137 Empire Worldwide



# S LIAISON UNIT Jastis Sekta Progrem



*Strongpela Komyniti*



ansio  
sisco  
m, na



Bisop Anton Bal.



Ol pater na bisop i mekim lotu misa bilong blesim Santu Arnold Janssen Senta.



Apostolik Nansio bilong PNG na Solomon Aifans - Asbisop Fransisco Montecillo Padilla. Wampela long ol bikpela as tingting long semon bilong em, em stori oisem 'yu givim pis long man inap long wampela de na em bai kaikai long dispela wampela de tasol. Sapos yu skulim em long painim pis, em bai kaikai pis i go inap em i lusim graun.' Santu Arnold Janssen senta em i stap insait long wok bilong skul man long painim pis bai em i helpim em yet.

## HUMAN DEVELOPMEN SENTA LONG SIMBU, 2009

Senta i gat gutpela kaikai bilong em long laip bilong ol manmeri long komyuniti, CJLU i kisim Santu Arnold Janssen Senta long wok olsem kontrak aninit long Projek Formulesen Dokumen (PFD) long givim skiis trening, moa yet long pasin bilong lukautim na stretim kaikai insait long fopela haus kalabus long PNG, em Bihute, Bundaira, Barawagi na Bomana. Dispela em ol i mekim olsem wampela progrem bilong stretim bek pasin na tingting bilong ol kalabus manmeri long helpim ol i go bek long ol komyuniti bilong ol. Dispela ol skiis trening em i kamap pinis na i pinis gut.

Progrem bilong Pater Sakite na ol arapela we Pater Ziowski i mekim long Simbu Migende peris i helpim long daunim ol traibel pait na birua. Sampela ol gutpela stori long dispela tupela man em long Nauro Goro eria, we tupela progrem i kamap gut na ron poroman wantaim. Nau ol komyuniti long dispela hap i gat ol lo bilong ol long stretim ol hevi. Dispela em sampela ol samting Nesenel Lo na Jastis polis i save lukluk long en long kisim komyuniti i go insait long en. Em nau bai kos o hevi bilong wok lo na oda bai i no antap tumas taim ol komyuniti i go pas long ol wok lo na oda.

Santu Arnold Janssen Humen Developmen Senta nau i sanap olsem wampela skul bilong lainim samting long

ol manmeri na lo na jastis sekta. Dispela wokbung i ken stap i go longpela taim. Long 2009, CJLU na Santu Arnold Janssen Senta bai wokbung yet long glasim bek dispela progrem em i mekim wantaim ol lain kalabus na lukluk long sampela moa samting bilong wok wantaim Koreksenal Sevis long we em i ken daunim skel bilong kaikai taim ol i kisim ol kaikai bilong ples yet olsem tapiok. Long ol Koreksenal Sevis, em bai helpim tru long daunim kos bilong baim kaikai bilong ol haus kalabus. CJLU na Santu Arnold Janssen Senta wantaim wok bilong Pater Sakite, i traim long kamapim senis long Lo na Jastis sekta.


Wok bilong senta bai go het long helpim strongim lo na jastis insait long ol komyuniti. Ol bai givim ol pipel save inap bai ol i kamap self rilaien o lukautim ol yet, strongim pasin bel isi na kamapim gutpela sindaun.

**Long kisim moa toktok ringim Lavinia Magiar o Rodney Kameata long:**

**Telepon:** 323 3098 / 323 9097  
**Emel:** lavinia.magiar@cjlu.org.pg  
o rodney.kameata@cjlu.org.pg



Ol pipel bilong Simbu na kontribusen mani bilong ol we ol i givim long senta long helpim wok bilong en.



Dairekta bilong Lo na Jastis Sekta Sekreteriet, Joe Kanekane.




n, Bomana Haus Bino, namel em raithan (wantaim long pasim bilong



Wampela meri kalabus i sekan na tok gutbai long Pater Sakite.



Ol kalabus long Bomana i sindaun harim toktok long pasim bilong Gutpela Sindaun Progrem.



Sampela long ol asples manmeri i werim bilas bilong Simbu na kamap long lukim opim bilong senta.



# BSP laik go long ol ples

Paul Zuvani i raitim

**BENK** bilong Saut Pasifik (BSP) inap go long ol manmeri bilong ples long liklik tairh bihain.

Na dispela em benk bai yusim ol ejen long mekim.

Ol ejen em ol manmeri bilong ples husat i laik mekim wok bilong benking sevis long hap bilong ol.

Dispela i wankain long olsem benk i opim ol brans. Tasol long opim ol brans em bai kos inap olsem K2 milion, i no olsem wok bilong statim ol ejensi we bai isi moa.

Dispela em toktok bilong nupela menesing dairekta bilong benk Ian Clyne long taim em i opim nupela nem na lukluk bilong benk long Mosbi aste.

Wantaim dispela tingting bilong bringim sevis i go long ol man-

meri, Mista Clyne i tok benk bihain long tupela wik bai opim SMS mobail telepon toksave long akaun bilong wanwan manmeri.

Dispela em olsem, sapos pe bilong man o meri i go insait benk toksave bai kamap long mobail bilong dispela man o meri.

Wantaim dispela benk bai opim tu Masta Kat sistem. Dispela em olsem Visa Kat sistem benk i bin opim pas-taim.

Benk nau bai yusim BSP olsem nem bilong em na em bai putim dispela olsem logo long olgeta brans bilong en.

"Planti manmeri i save kolim Benk Saut Pasifik, BSP, na dispela mipela i bilip i gutpela moa long yusim. Em nem we ol manmeri i save long en.

"Long dispela as mipela i senisim longpela nem Benk Saut

Pasifik i go long BSP," Mista Clyne i tok.

Benk bai kamapim tu ol Eftop sevis long ol stua arere long ol rot.

Husat manmeri i laik baim samting long Hailans Haiwe i noken hatwok na go long benk long kisim mani tasol inap kisim mani long stua em i baim samting long en.

Wantaim dispela em bai putim moa ol ATM (atometik teling masin) tu.

Moto o bikpela toktok bilong benk em olsem *BSP i benk bilong yu.*

I gat nupela lukluk bilong benk long insait bilong benk na ausait wantaim.

Kala bilong haus benk nau em wait na gre straip olsem insait long ol ATM rum tu.

Nau yet BSP igat 465,000 kastoma long ol manmeri nating na ol bisnis grup wantaim.

# DWU sanapim stua

## Bai sapotim wanpela kompyuta bilong wanpela sumatin plen

LONG helpim em long baim na givim kompyuta long wanwan sumatin long Divain Wod Yunivesiti (DWU), yunivesiti i opim wanpela stua (supamaketa) long em yet long mekim mani na baim ol kompyuta.

Wanpela kompyuta long wanpela sumatin em projek yunivesiti i kamapim long bihainim plen we ol sumatin i noken yusim ol pepa moa tasol bai yusim tasol kompyuta long skul na raitim toktok bilong ol.

Dispela projek i sapotim tingting bilong yunivesiti long lukautim busgraun.

Presiden bilong ol sumatin, Robroy Chicki, na namba tu bilong em na presiden bilong ol meri, Joanne Kilip, i opim dispela nupela stua.

Namba tu presiden bilong yunivesiti, Bruder Andrew Simpson, sampela tisa na sumatin i bin stap long lukim wok bilong opim dispela stua na Pater

Edward Meli i givim blesing long en.

Mista Chicki na Mis Kilip i tok ol sumatin na tisa i mas amamas long dispela nupela wok kamap.

Ol i tok stua i kamap long helpim yunivesiti mekim mani, tasol long wankain taim long helpim ol sumatin long baim isi ol samting, ol i no inap wok-about longwe long kisim ol samting.

Mis Kilip i tok bikos yunivesiti i mekim stua, em i put ol narapela sevis tu olsem ol ATM na Efpos masin long yunivesiti.

"Dispela i wanpela gutpela taim bilong yunivesiti long lukim senis. Dispela stua i bilong yu," Bruder Simpson i tok.

Em i askim ol sumatin long lukautim dispela sevis i stap wantaim ol.

Em i tok yunivesiti bai givim kompyuta long wanwan sumatin long stat

# Air Niugini stat ron gen long Wewak na Tari



**STOP:** Air Niugini i stopim ol bikpela balus bilong en olsem dispela long pundaun long Boram Ples Balus. Tasol ol Des 8 tasol bilong en bai pundaun long hap.

**BIKPELA** balus kampani bilong kantri, Air Niugini, i toksave olsem ol bai stat ron gen i go long Wewak, Is Sepik provins na Tari long Sauten Hailans provins.

Kampani i bin pasim ron bilong ol balus bilong en i go long ol dispela hap long wanem sampela wok stretim i wok long kamap long dispela tupela ples balus.

Long Boram Ples Balus, Wewak, ol woklain i sotim 800 mita mak bilong ples balus i go long 650 mita.

Pastaim Air Niugini i tok em bai pasim ron bilong olgeta balus bilong en i go long Boram Ples Balus tasol nau i tokaut olsem ron bilong olgeta arapela balus bai pas tasol Des 8 bilong em bai ron yet.

Nau yet Sivil Aviesen Atoriti (CAA) i tok namba bilong ol pasindia we ol balus bai i mas karim i mas stap long 20 na go daun.

Stat long taim dispela wok i kamap long klostu pinis bilong las yia Air Niugini i wok long yusim Des 8 long ron namei long Madang long Madang provins, Wewak na Vanimo long Wes Sepik provins.

Air Niugini i tok olsem ol i no laikim ol balus bilong en long bagarap o bungim birua, olsem na kampani no inap mekim narapela disisen bilong ol balus i ron inap long taim em i lukim na save olsem olgeta wok i orait na stret.

Air Niugini i tok sori olsem kain senis olsem i kamap na kampani i askim ol manmeri long givim sapot bilong ol long en.

Long Tari Ples Balus, kampani i tok orait long ol balus bilong kampani i ken ron i go long hap long wanem ol opisa bilong kampani na CAA i lukim olsem ples balus i orait long ol balus i yusim.

Dispela em bihain long kampani i pasim ron bilong balus long wanpela mun i go pinis.

# Ok Tedi main opim bisnis program

**BIKPELA** maining kampani, Ok Tedi, i opim wanpela bisnis program long lainim ol manmeri long mekim wok bisnis.

Kampani i opim dispela program long Tabubil i no longtaim i go pinis.

Long 2011 em i laik lukim olsem inap long 50 pesen (%) bilong ol bikpela posisen long main em ol nesenel o manmeri bilong Papua Niugini (PNG) i holim.

Long taim kam-

pani i mekim olsem em i bilip olsem ol arapela main na bisnis i bai bihainim tingting bilong en na givim gutpela trening long ol nesenel.

Long Fraide, Epril 3, 2009, long taim bilong opim program, menesing dairekta Alan Breen, i tokaut olsem 12-pela manmeri bilong ol bai go kisim bisnis menesmen trening long Australia.

Em i tok ol dispela manmeri i fit long kamap ol lida.



## SIP KAM, TURIS KAM, MANI KAM

**BAS BISNIS:** Ol turis to (tour) grup olsem Paivu Tours na KVR Tours i bisi stret las wik Sande taim tupela bikpela turis sip MV Mona Lisa na MV Dawn Princess i bin kamap long Rabaul Bris. Paivu Tours na KVR Tours i lukim i haiaim planti PMV bas bilong Kokopo na Rabaul long karim ol turis raun. Dispela i lukim planti pasindia nogat sans long go kam long Rabaul na Kokopo long bas sevis i no ron. *Lukim stori bilong MV Mona Lisa na MV Dawn Princess long Pes 22.*

Foto: Maisei Pahun



# Ol fama long Bulolo redi long vanila i kam bek

Bustin Anzu i raitim

**OLGETA** vanila fama bilong Bulolo, Morobe provins, i redi nau long wok vanila gen bihain long harim ol i harim stori olsem dispela wok bisnis bai kam bek gen.

Memba bilong ol long palamen tu, Sam Basil, i luksave long laik bilong ol fama long wok vanila na i laik strongim dispela laik bilong ol long mekim dispela wok.

Mista Basil i givim ol fama ol vanila sidling mani mak olsem K5000 long helpim dispela wok.

Mista Basil i bilip olsem prais bilong vanila bai gutpela gen bihain long sampela yia na ol fama long Bulolo i ken amamas long dispela.

Long wankain taim tu, PNG Spais (Spice) Industri Bod i askim ol vanila fama long Papua

Niugini (PNG) long planim na kamapim hai kwaliti o vanila we gutpela tru long wanem prais bilong vanila bai i go antap bihain.

Bod i tok ol narapela kantri bai laik baim vanila long PNG, moa yet taim ol narapela kantri husat i save groim vanila i sot.

Sif Eksekutiv Opisa bilong PNG Spais Industri, Michael Waisime, i tok namba wan kantri husat i save salim vanila long wol, Madagaska (Madagascar), i gat hevi. 80 pesen (%) bilong graun bilong en we vanila i save gro, i gat bikpela sik. Tu nau yet i gat bikpela hevi bilong lo na oda long kantri.

Em i tok saplai bilong vanila long wol maket i go daun olsem 60 pesen na ol wol bai laikim ol narapela kantri olsem PNG long salim vanila i go long en.

Wanpela ripot we bod i kisim i tok, Gavman bilong Madagaska bai mekim bikpela wok painim aut long kirapim wok bilong vanila gen long kantri.

Ripot i tok tu dispela wok painim aut bai glasim olsem wanem tru na graun i kisim dispela kain sik.

Mista Waisime i tok vanila long wol maket bai sot long ol 5-pela yia i kam o moa, olsem na PNG i mas redi long groim vanila long helpim dispela wol maket.

Em i tok opis bilong em i taitim ol rot long ol rejistad spais ekspota long bihainim olgeta lo we ol i mas bihainim.

Ol samting olsem ripot bilong 2008, ol ritens (returns), ol stemen rivyu (review) bilong fowet kontrak (forward contract) sels bilong 2009 na rivyu bilong ol fam get prais (farm gate prices).



**GRIN GOL:** Em nem planti manmeri long PNG i save kolim vanila (rop na lip i gro raunim han bilong diwai long pote), long wanem bipo em i save mekim planti mani bilong ol fama husat i save groim. Sampela yia nau prais bilong vanila i go daun, tasol ol savemanmeri i tok bai em i go antap gen. *Wantok Niuspepa Poto*

## Gaden kaikai pulap long Hailans

James Kila i raitim

INSAIT long las tupela wik long Goroka na ol narapela taun long Hailans, san i lait gut tru. Dispela em bihain long bikpela ren i pun-daun planti mun.

Tasol dispela taim bilong ren i mekim ol gaden kaikai i kamap gut tru. Ol kaikai olsem kaukau na kumu i pulap kapsait long planti maket long Goroka, na ol narapela taun long Hailans.

Fres Produs Developmen Ejensi (FPDA), husat i go pas long lukautim wok bilong developmen olsem ol gaden kaikai long kantri, i bin kari-maut wanpela wok glasim long Goroka maket las wik i go pinis i tokim *Wantok Niuspepa* long Goroka, lsten Hailans provins, olsem nau yet kaukau i pulap tru long Goroka maket na ol meri husat i salim ol dispela kaukau i salim long bikpela grup tru long liklik prais tasol.

FPDA i tok ol Inglis potato tu i pulap tru long maket na dispela i soim olsem dispela taim



**KAIKAI:** Wanpela sumatin bilong Henganofi hai skul, Eva Eka i soim kain kain kaikai em i baim long Goroka maket. *Poto: James Kila*

bilong ren long Hailans i helpim ol fama long ples long groim gut planti ol potato long salim.

FPDA i tok olsem dispela taim bilong ren i mekim graun i gutpela long goim ol gaden kaikai na dispela i lukim moa kaikai long ol i no long Goroka maket tasol, tasol long ol maket long sait bilong rot long Goroka.

Ol dispela maket i stap long Ret Kona, Lopi, Faniufa mambu, Saina Taun na tu long

Seigu kona rot.

Planti ol liklik fama tu i amamas long pulapim ol beg kaukau na potato, kapis na kerot, long karim long ol trak na PMV i go daun long ol maket long nambis ples olsem Lae, Morobe provins na Madang long Madang provins yet.

Sampela tu i stretim ron bilong ol long karim ol kaikai long go salim long Kimbe, Wes Nu Briten provins na Mosbi long Nesenel Kapitel Distrik.



DEPARTMENT OF COMMERCE AND INDUSTRY

### PUBLIC NOTICE

#### Development of Private Sector Growth Strategy (PSGS)

The Government's Medium Term Development Strategy 2005-2010 contains 10 guiding Principles. The first Principle relates to Private Sector-led Growth. It aims to trigger private sector growth, involving all Papua New Guineans, "...to become productively engaged in growing the economy...". The government believes vibrant private sector growth and investment will offer the most effective way of creating sustainable jobs, wealth and prosperity for all.

Consequently, the Department Of Commerce and Industry, with technical support from AusAID, is embarking on developing a Private Sector Growth Strategy (PSGS), with the primary objective of assisting GoPNG to put in place policy and institutional frameworks to create an enabling environment and business support services to facilitate private sector led growth in the country.

Development of the strategy has the support of the peak industry and business organisations in PNG.

Preparation of the Strategy will involve active participation and support of all stakeholders to address issues and identify short, medium and long term goals and actions. The strategy will assess the main constraints to private sector growth, particularly for micro and small to medium enterprises and recommend policies and specific activities to address each of the priority areas.

The Department is therefore inviting interested parties, including key stakeholders, government and private sector, to provide their views to the Department to assist the formulation of the strategy

**Written comments should be submitted before 30th April 2009 to:**

First Assistant Secretary  
Policy Planning & Information Division  
Department Of Commerce and Industry  
P.O. Box 375, Waigani, NCD  
Phone: 675 325 6076 / 301 2596  
Fax: 675 325 6108  
Email: rmaru\_policy@dci.gov.pg



# SKK yusim spots long bringim komyuniti developmen

James Kila i raitim

**W**ANPELA program ol i kolim 'Strongim ol Komyuniti Klub' o SKK i yusim ol spot long kamapim gutpela senis long heit, edukesen na strongim developmen long komyuniti long tripela distrik long kantri.

SKK i helpim ol manmeri long ol ples na hauslain long lainim planti gutpela samting long ol spot na ol samting strongim sindaun bilong ol long komyuniti bilong ol.

Dispela program i bin stat long 2007. Em wanpela projek bilong Spots bilong Developmen Inisitiv (Sports For Development Initiative) Papua Niugini Spots Faundesen (PNGSF) i go pas long en wantaim sapot i bilong AusAID na Australian Spots Komisin.

Bikpela tingting long kamapim dispela program long PNG i kamap bihain long wankain program olsem i bin kamap gut long ol kantri olsem Saut Afrika (South Africa).

Nau yet sampela ol program bilong SKK i wok long kamap olsem ol pilot projek (pilot projects) long ol komyuniti ol i makim long en pinis long Kainantu, Walium, Ramu na Mutzing distrik.

Wantok Niuspepa i bin i gat sans long toktok wantaim nesanel kodineta bilong SKK, Samu Sasama i no longtaim i go pinis, na em i stori long ol program bilong SKK.

Mista Sasama i tok SKK i yusim ol spot long bungim ol kain kain manmeri long ol komyuniti olsem ol yangpela manmeri, ol liklik pikinini, ol lapun manmeri, na ol manmeri husat i gat ol bagarap long bodi bilong ol (disabled), long kamap wantaim ol tingting long kamapim ol komyuniti bilong ol.

"Spot em i wanpela rot long bungim olgeta manmeri long wanpela hap na ol i ken toktok i go kam na kamapim wanpela gutpela tingting long helpim ol yet," Mista Sasama i tok.


Wantok Niuspepa i bin stap long wanpela bung bilong ol bos bilong SKK long Nesanel Spots Institut (NSI) long Goroka na i amamas long harim planti gutpela toktok we i bin kamap.

Long dispela bung, advaisa bilong Spots bilong Developmen Inisitiv, Michael Clarke, wantaim narapela dairekta Peter Chalapan i bung wantaim Mista Sasama na ol spot opisa husat i givim ol ripot bilong ol SKK projek ol i wok long karimaut.

Long dispela bung tu, tripela man bilong SKK program bilong Markham long Morobe provins, Kainantu long Isten Hailans provins, na Walium long Madang



**LAINIM:** Wanpela mangi lainim long kikim bal i go insait long hul bilong taia long wanpela SKK long Markham.



**RIT NA RAIT:** SKK lainim ol manmeri long Kainantu long rit na rait.

provins, i sainim kontrak bilong ol long wok olsem ol volantia distrik spot kodineta.

Ol dispela man em John Tom (Walium-Madang), Elmo Pasiro (Kainantu-Isten Hailans) na Martin K. Awai (Markham-Morobe).

Ol i bin wok klostu wantaim SKK na i givim planti taim bilong ol long givim ol skul long ol komyuniti bilong ol na ol kodineta bilong SKK i luksave long wok bilong ol na i

givim nem bilong ol long PNGSF long luksave long ol.

Dispela tripela man i givim gutpela toktok long sait bilong SKK long ol distrik na komyuniti bilong ol.

Mista Tom bilong Walium i tok SKK i bringim gutpela save long ol mama long ples long lainim wok bilong samap na tu long pilai ol spot.

Em i tok tu olsem SKK i givim

gutpela tingting na save long ol yangpela manmeri na ol manmeri long ples long mekim wantaim mama lo bilong klub bilong ol, wanpela samting we pastaim ol i no save long kamapim.

"Mipela yet i ronim SKK long helpim mipela yet na mipela olgeta. Em i gutpela samting tru long wanem em i helpim mipela long planti samting," Mista Tom i tok.

Wantok Niuspepa i bin glasim wok bilong SKK na wanem rot tru dispela program i ken helpim long bringim gutpela sindaun long ol komyuniti em i wok klostu wantaim. Hia em sampela samting ol manmeri i mas save long SKK.

## Ol helpim we i ken kamap long SKK

Ol SKK projek i ken givim stia na sapotim ol komyuniti long kamapim Strongim ol Komyuniti Klub bilong ol yet. Dispela i ken kamap wantaim sapot i kam long wanwan grup long komyuniti olsem ol praiwet sekta na tu lokol gavman.

SKK i save wok long luksave long wanem ol samting komyuniti i mas i gat na i save helpim long kamapim plen na kamapim ol wok long traim stretim ol dispela hevi.

Em i save helpim tu long strongim gutpela wokbung namel long ol grup long komyuniti na kamapim ol program we ol manmeri bai amamas long pilai wantaim na kamapim gutpela tingting long stretim gutpela sindaun long komyuniti bilong ol. Taim ol i wokbung wantaim ol i ken daunim ol hevi long komyuniti olsem hombru, spakbrus, pasin bilong paitim meri, sik AIDS, na hevi bilong i no save long rit na rait.

## Husat i ken stap insait long SKK?

Ol program insait long SKK em bilong olgeta manmeri long

komyuniti. Ol program em ol i mekim long kamap planti taim insait long wanpela wok long givim taim long moa manmeri na pikinini long bung na amamas wantaim. Ol program em ol i redim na ol komyuniti volantia i go pas long ronim bilong ol manmeri.

Ol dispela program i kam wantaim gutpela sapot long sait bilong tok stia, trening na ol samting bilong pilai spot olsem ol bal na ol net. Olgeta manmeri husat i gat save i ken givim tingting bilong ol na olgeta manmeri i ken lainim ol samting na kisim gutpela helpim. Insait long wanpela SKK projek, i gat gutpela helpim i mas kam long olgeta lain.

## Wanem ol program i stap insait long SKK?

Ol komyuniti i save makim wanem ol program ol i bilip em i bikpela insait long hap bilong ol. Dispela ol program em ol volantia bai ronim long komyuniti.


Em i mobeta long statim wanpela liklik SKK na mekim em i gro i go kamap bikpela na kamap gut. Bihain long sampela taim moa program bai go insait na i ken karamapim ol spot bilong ol manmeri, ol musik na ol pasin tumbuna olsem pasin bilong mekim ol bilas, wok gaden, we bilong redim gutpela kaikai, lainim ol bikpela manmeri long rit na rait, helt, toksave long hevi bilong sik AIDS na ol we long abrusim, ol grup wok na na tu sampela festival long komyuniti.

## Ol rot long kirapim wanpela SKK

Taim ol kodineta bilong SKK i luksave long wanpela komyuniti na i makim long karimaut ol trening, ol i save go long dispela ples na toktok wantaim ol manmeri na wok na bihain trening i save kamap long ol manmeri long komyuniti. Bihain long dispela ol i save kamapim SKK na mama lo o konstitusen.

Ol i save wokbung wantaim ol grup na kamapim wanpela 'open' de long pulim moa laikim na kisim moa luksave long wanem ol program ol dispela komyuniti i laikim long kamap long hap bilong ol.

Ol kodineta bilong SKK i save makim ol volantia na givim trening long ol na tu ol samting bilong karimaut ol trening na ol narapela sapot.



**FIT:** Wanpela SKK spots kodineta Peter Salaiu i givim trening long helpim ol mama ong SKK Kainantu i stap fit. Ol Foto: James Kila



**Anda 20 Junia Pukpuks Skwat**

Faifi Fari, Boe Vaieke, Peatrie Birney, Shaunan Carbry, David Moses, Eogar Mongoru, Rex Kurup, Joshua Posu, Danny Kui, Hanley Messea, Desmond Korpok, Chris Namani, Emmanuel Mora, Roman Kamilus, Eugene Tovue, Junior Kautu, Bomai Kaupa, Steven, Balasa, Kirarock Ngaffin, Jackson Rato, Henry Mobia, Chris Kaka, Yahu Posey, Michael Senginumbo, O'Jay Moka, Bobby Pao, Alex Cameron.

Tim menesmen em; Robin Terere (kosa), Sydney (trena), Malcolm Giheno (tim menesa) na Steven Polis (tim dokta).



**KARIM NEM:** Fairi laik mekim kantri bilong em i amamas. *Poto: Andrew Molen*

# Junia Pukpuks laik amamasim kantri

Andrew Molen i raitim

**CHRIS Kaka na Fairi Fairi i gat bikpela wok taim em i ron i go insait long fil long Kenya olsem tupela kepten bilong Papua Niugini (PNG) Junia Pukpuks.**

Kaka na Fairi em kepten na vais kepten bilong tim na wanpela astingting bilong ol em long apim nem bilong kantri na junia nesanel tim bilong ol.

Dispela bai namba wan taim bilong Fairi olsem vais kepten bilong nesanel tim na wanpela

astingting bilong em nau em long helpim kantri bilong em i win long Kenya.

"Olgeta samting mi laikim long gem em mi kisim pinis nau.

"Mi winim seleksen long stap long skwat na tu long kamap olsem wanpela kepten bilong tim.

"Wanpela moa samting mi laikim nau em long helpim ol wanpilai bilong mi long apim nem bilong tim na kantri bilong mipela long win long Kenya,"

Fairi tok.

Mi laik mekim kantri bilong mi amamas, em i tok.

Kaka i tok dispela em i bikpela salens bilong tupela.

"Mipela ol kepten na em i bikpela salens bilong mipela long go pas long ol arapela tasol long wankain taim em i bikpela samting tru long kamap olsem kepten bilong nesanel tim na mipela i amamas long dispela luksave," em i tok.

## Lockyer na Hunt lukluk ovasis

# Prince bai stap olgeta wantaim Titans

SCOTT Prince bai pinisim laip bilong em olsem wanpela ragbi lig pilai wantaim Gold Coast Titans. Prince, husat i save pilai hap

bek bilong klab i sainim nupela kontrak wantaim Titans we bai lukim em i pilai bilong ol inap long 2014.

Prince i bin wanpela bikpela nem pilaia long joinim klab taim klab i kamap namba wan taim long Nesanel Ragbi Lig (NRL)

long 2007.

Long dispela taim i nap nau em i kamapim gutpela wokbung wantaim Preston Campbell na Matt Rogers we i lukim ol i save strongim tru gem bilong ol.

Gutpela gem bilong Prince i lukim em i winim ples long pilai bilong Kwinzlan (Queensland) insait long Stet ov Orijin na tu em i pilai makim Australia long 2008.

"Mi bin kam taim Titans i stat na mi i gat sans long pinisim gem bilong mi long hia nau," Prince i tok.

Mi amamas long rot mipela i bihanim nau insait long klab long ol opisel i go daun long ol pilai wantaim, em i tok.

"Ol gutpela lain na mi amamas long wokbung na pilai wantaim ol," em i tok.

Bosman bilong Titans Michael Searle i tok ol i amamas long kamapim dispela kontrak wantaim Prince.

"Scott i wanpela gutpela pilai bilong klab na long kisim bek long stap wantaim klab i helpim klab long sanap na ron strong insait na ausait long fil," Searle i tok.



**BIKEM:** Prince bai stap yet wantaim Titans inap 2014.

**I kam long Pes 32**

LONG wankain taim Henjak i tok klia olsem Lockyer i no stap long gutpela fom tumas bilong pilai long stat bilong 2009 sisen.

Henjak yet i luksave long dispela na i tokaut long ol nius ripot dispela wik.

Lockyer i bin kisim namba tri operesen long lek skru bilong em insait long 12-pela mun na dispela pasim em long redi gut bipo long sisen i stat.

Tasol hap bek, Peter Wallace i rausim planti hevi long Lockyer wantaim gutpela gem bilong Wallace yet.

"Mi laikim Lockyer i pilai gut nau long wanem em i wanpela pilaia husat i gat planti ekspiens na i ken lukautim fom bilong em yet.

"Mi no save sapos dispela ol bagarap i mekim em i no pilai gut tumas nau tasol em i no nogut tumas na i ken kam bek yet," Henjak i tok

## Ol tim no inap long Crushers

Bustin Anzu i raitim

WIO KIM Kamkumung Crushers i winim Ista Salens long Lae ragbi lig las wiken.

Crushers i winim Lae Biscuit Spiders 42-6 na winim K750 prais mani.

Spiders i kisim namba tu prais mani K500 na Royal i winim 13A Everclean Bulldogs 23-18 long kisim K350 namba tri prais na Bulldogs i putim K200 long poket.

Ol narapela 4-pela klab; Magani, Pirates, Rangers na Brothers i kisim K100 olsem prais tasol.

Dispela gren fainol i bin i gat planti ol pilai husat i no pilai gut, planti pundaunim

bal na i no takol gut insait long dispela 4-pela de bilong pilai.

Planti bilong ol pilaia i no pilai longpela taim na dispela i mas mekim na ol i no pilai gut tumas.

Lae ragbi lig i amamas long lukim olgeta tim i kam pilai insait long dispela resis.

Lig i tok sponsa bilong ol SP Lager i lusim ol pinis. Ol i bin stap wantaim ol longpela taim tasol dispela i no mekim ol lus tingting long dispela Ista pilai. Lig i painim sampela mani na kamapim dispela pilai.

Long Pul A, ol mangi bilong Kamkumung i winim Zilu Brothers 32-18,

beltim 14B Pirates 24-8 na krungutim Bulldogs 16-12 long dispela 4-pela de long go insait long fainol.

Na long Pul B, Spiders i nekim 10CT Rangers 8-4, winim Magani 22-6 na lus long Royals tasol ol i gat gutpela pesen long go insait long ol fainol.

Eksekutiv opisa bilong lig, David Atua, i tok olgeta propa sisen bai stat dispela wiken.


Dispela em pilai bilong ol sinia gret tasol na ol junia bai kisim narapela tupela wik long wanem planti klab i bisi long ol sinia long pilai insait long Ista na ol i no redim ol junia bilong

ol.

Em i tok tu olsem bai i gat pilai bilong ol meri tu.

Afiliesen fi em K300 long wanwan klab na K30 long wanwan meri long rejista insait long dispela resis.

Atua i tok olsem ol meri i ken kam aninit long ol klab husat i stap nau long resis pinis o ol i ken kam ol yet.



**RONAWE:** Wanpela pilaia bilong Crushers i ron wantaim bal. *Poto: Bustin Anzu*





PAIT: John Magaiva (lephan) bilong Sentrel provins i tromoi han long Elwin Wafewa bilong Is Sipik long inta provinsel profesenolel boksing 63kg paif bilong ol long Sports Inn long Mosbi las wik Sande. Magaiva i win long nok aut long raun tri. **OL POTO: ANDREW MOLEN**

**SOKA MERI:** Leonie Kila (wantaim bal) em wanpela bilong ol manmeri husat i pilai makim wanwan kampani na oganaisesen bilong ol long Charity Kap soka salens long Mosbi long Ista wiken. Dispela reis i save bungim mani long helpim ol wok long helpim ol tarangu long Mosbi.




**FWOWET TASOL:** George Oala bilong BBE Hawks i givim bikpela salens long banis bilong ol Defence long Pot Mosbi ragbi lig gem bilong ol las wik Sarere.

# PAINIM BAL RESIS

## NAMBA - 7

Isu 1810



Makim (X) long bokis yu ting bal i stap na salim i kam long atres antap..

Nem:.....Krismas:.....

Man/Meri:.....Atres:.....

.....Telepon Namba:.....

Yu baim Wantok pepa long we?

Stua/Maket/Strit:.....

katim long hia

Putim mak (X) long wanem hap yu ting bal i stap long en na salim i kam long:

**PAINIM BAL RESIS  
WANTOK NIUSPEPA  
P.O. Box 1982 Boroko,  
NCD  
Port Moresby.**

Bai yu gat sans long winim K100 long wanwan mun. Traim lak bilong yu, nogut yu gat sans long win!!!

Lo bilong resis:

Oi wokmanmeri bilong Wantok Niuspepa no inap pilal long dispela resis. Wantok Niuspepa tasol bai i makim wina. Nogut potokopi. Taim bilong dro em bihain long foapela wik bal ol i droim wina na wapele pilal bal i stat gen. Nem bilong wina bai kamout long pepa naka wik bihain long dro.

# Sans K100 yah!!

### OL SPOT DRO

TELKOM PORT MORESBY SOCCER ASSOCIATION  
Pri sisen dro

Sarere, Epril 18, 2009

Telikom Park - Bisini 1

- 0800 MP3 Rapatona vs B Mobile 2
- 0920 MP3 Guria vs Telikom
- 1030 MP2 Moonbi vs PS United
- 1145 WP Lamana vs Telikom
- 1305 MP4 SMomase 2 vs Blue Kumuls 2
- 1415 MP4 LBC Defence vs Bradlies
- 1530 MP2 Snax Momase 1 vs B Mobile 1

Telikom Park - Bisini 2

- 0800 MP3 Apex vs Gokata
- 0920 MP4 SES Utd Green vs Bradlies
- 1030 MP2 SES Utd Blue vs B Mobile 1
- 1145 WP Mungkas vs University
- 1305 MP2 Blue Kumuls 1 vs PS United
- 1415 MP2 Maclaren 1 vs Mariners
- 1530 MP4 Maclaren 2 vs University 1

Sande, Epril 19, 2009

Telikom Park - Bisini 1

- 0800 MP3 Babaka vs Telikom
- 0920 MP1 Miga vs CSU Thrillers
- 1030 MP1 A Natuna vs Kumusi
- 1145 WP Saints vs Mungkas
- 1305 WP Rapatona vs Guria
- 1415 MP1 DMX Sea Eagles 1 vs Keleiruna
- 1530 MP3 PS Rutz vs B Mobile 2

Telikom Park - Bisini 2

- 0800 MP4>NNL Musa Utd vs Bradlies
- 0920 MP1 DMX Sea Eagles vs Hardrocks
- 1030 MP1 Muiah Brothers vs University 2
- 1305 WP LBC Defence vs PNG Gardener
- 1415 MP2 Snax Momase 1 vs Markham Yarangs
- 1530 MP3 Rapatona vs Guria

NB: Top 4 tim long wanwan pul bal go long fainol neks wiken, Epril 25 - 26, 2009.

Nine Mile Soccer Association  
Sisen Propa Dro

Sarere, Epril 18, 2009

Graun 1

- 1100 Meri Jungle Parrots vs Cross Road Texas
- 1200 Meri Black Water vs Lekundah
- 1300 Man Madeka vs Nen-Konok
- 1400 Man LBT Merap vs Babux
- 1500 Man Lekunda vs Finka
- 1600 Man Dogura Ratsvs Kande Roots

Graun 2

- 1100 Meri Graveside vs Babux
- 1200 Meri MBS vs LBT Merap
- 1300 Man Cross Road Texas vs Mix Nenang
- 1400 Man Kunava vs Dimasu
- 1500 Man Junction vs Fisika
- 1600 Man Kirin Top Mandus vs NG Kawa

Sande, Epril 19, 2009

Graun 1


- 1100 Meri
- 1200 Meri Raitopos vs Junction
- 1300 Man Grandville Utd vs Black Water
- 1400 Man Jungles Parrots vs K.K
- Imindos
- 1500 Man Gee Neps vs Doure Drifters
- 1600 Man 24 Mix Mates vs MBS

Graun 2

- 1100 Meri
- 1200 Meri Klengs vs SR Dazzale
- 1300 Man Raitopos vs OG Abil
- 1400 Man Gara United vs Tuyalo
- 1500 Man Klengs vs SR Dazzale
- 1600 Man Graveside vs Outsiders



LONGPELA HAN



HOLIM: Harlequins i putim han i go aut long kisim bal long ragbi union gem bilong ol long Mosbi agensim Medics long las wik Sarere. Foto: Andrew Molen

# Planti pilaia i no rejista

Bustin Anzu i raitim

PLANTI ol pilaia i no save rejista na save yusim nem bilong ol arapela long pilai.

Dispela em wanpela asua we i save kamap na ol klab opisel i no mekim wanpela samting long stretim.

Dispela em ol i tokaut we i kamap long namba wan kibung bilong Lae ragbi lig long Tunde.

Eksekyutiv opisa bilong lig, David Atua, i tok planti ol pilaia husat i pilai long dispela resis i no bihainim rot stret bilong pilai.

Ol i no rejista tasol i yusim nem bilong narapela long pilai. "Lae ragbi lig bai no inap

kamap papa long dispela samting sapos wanpela bilong ol i kisim bagarap.

"Dispela em wari na hevi bilong ol klab yet na ol klab opisel i mas stopim dispela pasin," em i tok.

Atua i tok dispela kain pasin i bin stap longtaim insait long ol klab na ol opisel i save tasol ol i no save mekim wanpela samting long stopim dispela na em i kamap olsem wanpela rot bilong rejista tu.

Em i tok stretpele na trupela rot em olsem ol pilaia i mas rejista na bihain kisim namba.

Dispela namba bai tok orait long ol i kisim fil na pilai.

"Dispela rot em ol i no bihainim.

"Mipela larim ol dispela samting i kamap aninit long nus bilong mipela na larim i go bikpela moa," Atua i tok.

Em i tok tu olsem i nogat sampela bikpela samting i kamap olsem wanpela pilaia i kisim bagarap o i dai, olsem na ol dispela pilaia na klab i bikhet yet.

Sapos wanpela i bungim dispela kain hevi, em bai ol klab bai kisim bikpela hevi stret, Atua i tok.

Long dispela kibung tu, ol i toktok long apim mani bilong baim get fi.

Nau yet, ol i save sasim K1

long ol bikpela manmeri na 50toea long ol liklik pikinini.

Lig i tok wok bilong ronim lig em bikpela mani tumas na wanem samting ol i kisim long fil em i no inap long lukautim ples.


Lig i tok operesen kos i antap tumas na ol i nogat sponsa.

Dispela i mekim hat long lukautim wok bilong ronim ples gut olsem na em i gutpela long putim fi i go antap liklik, lig i tok.

Lig i laik apim fi go K2 long ol bikpela manmeri na K1 long ol liklik pikinini.

Ol pilaia bai baim K1 long taim bilong pilai, tasol sapos ol i no pilai, ol bai baim K2, wankain olsem ol arapela manmeri.

## Manus laik kirapim bek boksing Sikspela wol kap pilaia stap long skwat



YU KAM: Manus tim long resis long Sande. (Iephan i go raitan) Trena Willie B. William, Hayeo, Pius na Knight (Manager). Foto: Andrew Molen

Andrew Molen i raitim

TUPELA profesenel boksa bilong Manus i kam pait long Mosbi las wik Sande wantaim tingting long win na tu long helpim na kirapim bek boksing long provins bilong ol.

"Strong bilong amata boksing long Manus nau em i go daun stret olsem na mipela i kamapim profesenel boksa long traim kamapim sampela samting gen," tim menesa, Ronnie Knight i tok.

Knight em papa bilong Pontoon Boksing Klab husat ol i rejista aninit long PNG Boksing Federesen (PNGBF) na i go pas long

kirapim bek boksing long Manus.

"Mipela i laik staitim wanpela semi profesenel resis taim mipela i go bek na mipela i bilip dispela bai helpim long pulim moa manmeri kam bek long boksing," em i tok.

I gat ol arapela boksing klab i stap tu tasol olgeta i stap yet long amata level.

Long amata ol i save kisim medol nating tasol long profesenel ol i save kisim liklik mani tu olsem na dispela i ken pulim ol i kam bek long boksing, Knight i tok.

Manus em i wanpela provins we i save kamapim planti

gutpela spotsmanmeri long ol spot olsem soka, hoki na dat.

Tasol ol i kamapim sampela gutpela boksa bilong Papua Niugini bipo na ol i gat sans long mekim dispela gen.

Nau yet ol i gat tupela profesenel boksa, Jason Hayeo long 54kg divisin na Jimmy Pius long 51kg divisin.

Dispela tupela paitman wantaim i gat gutpela strongpela lukluk bilong ol na i soim tu gutpela stail long pait bilong ol insait long ring we ol manmeri i save amamas long lukim.

## Sikspela wol kap pilaia stap long skwat

SIKSPELA memba bilong 2008 anda 19 Papua Niugini (PNG) wol kap tim i go long Malesia (Malaysia) i stap gen long trening skwat dispela yia.

Charles Amini Jnr, Jason Kila Jonathan, John Boge Reva na Tanti Heni, Tony Ura na Heni Siaka i stap namel long 31 pilaia ol i makim long skwat dispela wik.

Sapos olgeta samting i ron gut bai ol i gat sans tu long lukim namba tu wol kap bilong ol.

Ol arapela memba bilong skwat em Vagi Oala, Nou Owen, Tony Ao, Lakani Serua, Tau Sere, and Raymond Haoda jnr, Mea Chris, Ambrose Viri, Lega Siaka, Ao Mea, Arua Leke, Simon Viri, Morea Kenneth, Henoa Julius, Toua Tom, Sese Bau, Paul Geita, Bau Aniani, Scot Bagam, Samuel Morea, Pala Heni and Steven Eno.

Ol i makim dispela skwat bihain long wanpela anda 19 sempionsip long Mosbi long Januari dispela yia we tripela tim bilong Mosbi, POM Black, POM Gold, Chairman's Invitational X1 sait na Lae i bin salens inap wanpela wik.

POM Black i bin winim dispela resis agensim POM Gold long fainol.

Kriket PNG (CPNG) hai pafomens menesa, Rarua Dikana, i tok ol bai makim 18 pilaia na 4-pela risev long Epril 18 long pilai long ICC Is Esia Pasifik anda 19 kriket trofi resis.

Dispela resis bai kamap long Mosbi long Jun 1 i go long 7 we ol tim bilong Fiji, Vanuatu, Siapan (Japan) na Indonesia bai kam pilai long winim tupela namba wan ples.

Dispela tupela tim bai go pilai long Saut Afrika (South Africa) long Novemba long kwalifai long wol kap long 2010 long Kenya.

Long laspela wol kap long 2008, PNG i apim mak bilong em long wol i go long namba 12 ples.

Kriket bipo i bin wanpela bikpela gem long ol hap bilong PNG olsem Milen Be provins, Sentrel provins na Nesanel Kapitell Distrik. Tasol nau dispela gem i wok long kamap bikpela na go long planti narapela provins bilong kantri.

Ol PNG kriket tim i save pilai gut long ol resis ol i go long en tu.

## Ol skul redi long sumatin kriket resis

TUPELA ten faiv skul i givim nem pinis long putim tim bilong ol insait long 2009 Kriket Bilong Sumatin (KBS) resis.

Dispela resis bai stat long Me-9 na bai ron tupela mun.

Kriket Developmen Opisa bilong Cricket Papua Niugini (CPNG), John Ovia, i tok em i bilip olsem planti moa skul bai putim nem long stap insait long dispela resis bipo ol gem i stat.

Las yia i bin i gat 35 tim i kam long ol praimer, sekonderi na teknikel skul i stap insait long dispela resis we Trukai Industris (Trukai Industries) husat i bin mama sponsa


bilong dispela resis.

Ovia i tok ol bai kamapim wanpela trening bilong olgeta kosa long helpim ol i redim ol tim bilong ol gut long dispela resis.

Ol PNG Barramundi-pilaia tu bai helpim ol long dispela trening.

Dispela resis bai kamap long anda 10, anda 13 na anda 15 divisin bilong ol praimer skul na ol sekonderi skul bai pilai long anda 17 na 19 long ol man na ol meri bai gat wanpela open divisin.

KBS em wanpela program bilong CPNG long kamapim moa awenes na developmen long kriket long kantri.



TRENING: Ovia i kisim ol anda 10 na 13 sumatin long wanpela kriket trening kem long 2008. Wantok Niuspepa Foto



**LAE  
BISCUIT CO.**



**WANTOK**

# S P O T S

**LAE  
BISCUIT CO.**



Isu 1810

Wan wik: Fonde, Epril 16 - 22, 2009



## Telikom Customer Assistance Numbers

Call our friendly staffs now to assist you.

NATIONAL DIRECTORY ASSISTANCE	013
TELEPHONE FAULTS	014
DATA FAULTS	0175
TELIKAD, RAIT PREPAID ASSISTANCE	323 4444
INTERNATIONAL OPERATOR ASSISTANCE	016
PNG REVERSE CHARGE CALLS	011
INTERNATIONAL DIRECTORY ASST	0178
TELIKOM GENERAL ENQUIRY	300 5000

The cheapest calls in Papua New Guinea



TELIKOM PNG LIMITED  
Always there!

# Lockyer na Hunt lukluk ovasis

## Broncos kontrak pinis

**BRISBANE** Broncos kepten, Darren Lockyer na fulbek, Karmichael Hunt i lukluk long go pilai ovasis long wanem klab i no toktok long stretim kontrak bilong ol.

Kontrak bilong Hunt


bai pinis long pinis bilong dispela sisen na bilong Lockyer tu bai pinis klostu tasol menesmen bilong tupela i no toktok wantaim klab yet.

Kosa Ivan Henjak i tok tupela pilai wantaim i no stretim nupela kontrak

wantaim klab yet na dispela i mekim tupela i lukluk long go pilai ovasis.

I gat bilip tu olsem Hunt bai go pilai ragbi yunion bihain long dispela sisen.

*Stori i go long  
Pes 29*



**KEPTEN:** Kontrak bilong Lockyer wantaim Broncos bai pinis klostu tasol em i no toktok yet wantaim klap long stretim dispela.

**INSAIT:** Jr Pukpuks laik amamasim kantri. PES 29

Planti pilai no rejista na pilai. PES 31

Website: [www.borokomotors.com.pg](http://www.borokomotors.com.pg)


## BOROKO MOTORS

PORT MORESBY PH: 325 5255  
LAE PH: 472 1144  
MT HAGEN PH: 542 1933  
TARUBAI PH: 548 9048

Email: [info@borokomotors.com.pg](mailto:info@borokomotors.com.pg)

Gutpela Prais olgeta dei ikam long Boroko Motors Taya Sentas Bilong Taya, Mag Wheels na Batri lon laik Bilong Yu.

**BRIDGESTONE**  
Tyres



**CSA** ALLOY WHEELS



**GLOBAL**  
Batteries



Indastri Experiens wantaim gutpela Servis Mekim Boroko Motors Taya Senta Wan Stop Shop Bilong Yu



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.